



文信國公集卷十二



詩 樂府并詞附

文山卽事

宇宙風煙闊山林日月長  
開灘通燕尾伐石割羊腸  
盤谷堪居李廬山偶姓康  
知名總閒事一醉棹滄浪

出山

日日騎馬來山中歸時明月長  
在地但願山人一百年一年三

文信國公集卷十二

詩

百餘番醉

關山寄朱約山

一笠一簑三釣磯歸來不費買  
山貲洞天福地深數里石壁湍  
流清四時樵牧舊蹊今可馬  
鬼神天巧不容詩先生曾有空  
同約那裏江山未是奇

山中卽事

攜壺藉草醉斜陽白鶴飛來月下雙  
蘆葉西風驚別浦芭蕉夜  
雨隔疏窗千年帝子朱簾夢  
一曲仙人鐵笛腔若問山翁還瘦  
否手持漁竹下寒江

宿山中用前韻

南山之隩北山陽羽扇輕風共影雙畫樂菰蒲明月笛青燈蟋蟀白雲窗半在遊子成行債一夜佳人作別腔倚釣重來此篔簹梅花十里雪空江

山中

滄洲棹影荻花涼款乃一聲江水長賴有蕁風堪斫膾使無花月亦飛觴山中世已驚東晉席上人多賦晚唐何處魚羹不可飯蚤拚泉石入膏肓

山中謾成柬劉方齋

名夢桂居南湖太師公玄孫

文信國公集

卷十二

詩

二

東風解凍出行嬉一閱煙塵隔翠微自有溪山真樂地從來富貴是危機二三行輩惟須醉多少公卿未得歸明日主人酬一座小船旋網鱖魚肥

山中載酒用蕭敬夫韻賦江漲

拍拍春風滿面浮出門一笑大江流坐中狂客有醉白物外閒人惟奕秋晴抹雨粧總西子曰開雲暝一滁州忽傳十萬軍聲至如在浙江亭上游

山中立夏用坐客韻

歸來泉石國日月共溪翁夏氣重淵底春光萬象中窺吟到雲

黑淡飲勝裙紅一陣絃聲好人間解慍風

山中和韻

白扇揮殘著青鞋踏嫩晴花牀尋小隱石鼎引長鳴紗帽有時  
去酒壺惟意傾山僧癡與坐閒却瘦彌明

山中自賦

門外蒼松一水修不必清高逼巢許祇教瀟

灑勝羊求空花自滿三千界老樹相看五百秋坐有鷹揚人物  
在怕牽昨夢上漁舟

入山卽事

文信國公集卷十二

詩

江流風灑灑雲薄雨絲絲上馬忙呼織巡簷靜看棋露天廚作  
溜沙地水生池乘燭留前夕茲遊更絕奇  
山中方雨笠天外忽晴絲夕釣江澄練春行路布棋乾坤供俯  
仰歲月任差池有酒如漚在何妨口問奇

山中感興

三首

載酒之東郊東郊草新綠一雨注江波洲渚失其足青春豈不  
惜行樂非所欲采芝復采芝終朝不盈掬大風從何來奇響振  
空谷我馬何玄黃息我西山麓

山中有流水霜降石自出驟雨東南來消長不終日故人書問

至爲言北風急出深人不知塞馬誰得失挑燈看古史感淚縱  
橫發幸生聖明時漁樵以自適

姚花何天天楊柳依依去年白鳥集今年黃鸝飛昔爲江上  
潮今爲山中雲江上潮有聲山中雲無情一年足自念况復百  
年長但存松柏心天地眞茫茫

山中呈聶心遠諸客

誰入山來問野舟一篙花外渡深流小顰風樹踟躕鶴淺約湍  
沙浩蕩鷗湖上有時思洛社人留何處不滌州徘徊才是黃昏  
候短笛先吹月上樓

文信國公集卷十一

詩

四

再用前韻

黃葉婆娑上釣舟喚回舊夢到江流多情政自憐檣燕兩鬢終  
當付野鷗未說離懷向南浦須知詩意在夔州朔風昨夜吹沙  
急早覺寒聲戰玉樓

山中六言

三首

兩兩漁舟搖下雙雙紫燕飛回流水白雲芳草清風明月蒼苔  
鶴外竹聲簌簌座邊松影疏疏夜靜不收棋局日高猶卧紗幮  
風煖江鴻海燕雨晴簷鵲林鳩一段青山顏色不隨江水俱流

用蕭敬夫韻

庭院芭蕉碎綠陰高山一曲寄瑤琴西風遊子萬山影明月故鄉千里心江上斷鴻隨我老天涯芳草爲誰深雪中若作梅花夢約莫孤山人姓林

山中二首

煙雲開窈窕荆棘翦離披蠟屐上下齒竹枝長短詞半山江色透獨樹午陰遲世上兒孫老有人猶看棋  
倏忽當年遇蒙茸幾度披水霞明畫卷草樹幻騷詞烏過目不瞬江流意自遲世人空黑白一色看坡棋

竹花

文信國公集卷十二

詩

五

黃家紫家鬪魏姚夷齊玉立青蕭蕭便是人間小天地不特水上作萍萍

夜歸

市橋燈火未闌珊一簇人家樹影間想把神仙爭羨我不知我正羨渠閒

八月十六日見梅

廣寒殿裏玉樓開那得孤山處士來半夜西風半身影夢中騎得雪驢回

和蕭秋屋韻

蘆花作雪照波流黃葉聲中一半秋明月嬋娟千里夢扁舟汗  
漫五湖遊星辰活動驚歌笑風露輕寒敵拍浮贏得年年清賞  
處山河全影入金甌

月夜

月到中天雲劃開斷橋幻出玉樓臺夜深一鶴掠舟過疑是坡  
仙赤壁來

江行

日日看山好山山一色蒼忘機鷗下早戀廐馬行忙松曉清風  
溼荷秋流水香短簑吹鐵笛年歲大江長

文信國公集

卷十二

詩

六

紙帳

紙帳白如雪上有坐客影一白不自由黑光蕩無定人倦影已  
散依然雪花瑩須臾秉燭眼相忘心目靜

爲劉定伯索油藤

我欲登山去采薇江南秋雨正霏霏仙家解有逡巡手一筋西  
風落翠微

山中小集

江山開勝賞萬戶不須留客醉客多事吾詩吾自酬夕風吹絳  
蠟春色漾黃流賓從歸來夜滌翁無此遊

新年

梅花枕上聽司晨起縮金章候拜親  
喜對慈顏看鋪鬢髮雖疏脫未如銀

生日和譚吉甫

五月初三日

青蒲花未老黃竹筍初生細咏詩  
工部閒評字率更大江流日影時  
烏說春榮共作千年計身謀政自輕

生日和謝愛山長句

崧老字伯華

余屏跡山間誦昌黎三星行政自多感  
亦何有於初度客謝

愛山翩然遠來贈我長句嘯拂而纒藉  
之者至矣倚歌而和

文信國公集

卷十二

詩

愧不成章

七

寓形落落大塊間嘯吸一氣自在還桑弧  
未了男子事何能局促甘囚山昔年此日  
作初度賓客如雲劇歡舞今年避影却閉  
門捧觴自壽白頭母故人憶我能遠來虹  
光滿袖生瓊瑰一杯相屬慰岑寂使我發  
笑愁顏開鏃揚且聽箕張口丈夫壯氣須  
衝斗夜闌拂劍碧光寒握手相期出雲表

生日謝朱約山和來韻

元豐五年正月日洛中耆英佳話出當時  
韓公七十九歡噱賡酬老吟筆偉然冠劍  
照孔鸞鮐背鳩杖蒲輪安韓公而下文豈



夫相高異不以正洛塵已墮流水心雲仍相逢松下石顧我  
行輩真我來兼暮故事強安排約對青山共長久醉歌要賽滌  
州守願隨後社著深衣闌風伏雨從是非便令攜樽西墅去山  
花山鳥爲歌舞招瑤母來庭闌拍手共笑偷桃兒吾山陂陀  
白雲滿猿鶴司我北門管紫霞隔斷雞犬聲下有琥珀滋長齡  
向來福地七十二此亦清高仙地位朝遊崑崙暮陞峒駕風鞭  
霆迎我公丹厓翠壁千萬丈與公上上上上上

生日山中和蕭敬夫韻

山深不用結涼棚風起江蘋暑氣輕處士林泉自今古男兒弧

文信國公集

卷十二

詩

八

矢付豪英客來不必籠中羽我愛無如橘裏枰一任蒼松栽十  
里他年猶見茯苓生

與朱古平飲山中和蕭敬夫韻

古平名楮字聖  
陶丙辰賦魁

江山自足引千杯况有如今此客哉石室只還湖守住廬峯會  
屈晦翁來酒酣剩有詩酬唱步倦何妨車往回遊徧此山方可  
別北厓莫遣曉雲開

所懷

英英香蕙瑩朝華收拾東風作一家燕語鶯啼春又夏燈花剔

盡暗窗斜

山中偶成

白鶴飛來牽我衣  
東風吹我下漁磯  
當年祇爲青山誤  
直草君王一詔歸

次約山賦杏花韻

名花韻在午晴初  
雨沁臙脂臉更敷  
蒲驛莫妨娛刺史  
錦坊豈不勝中書  
時無豔曲臨軒縱  
公莫魏壇韞匱沾  
春老綠陰青子近  
東風來往一吹嘘

贈南安黃梅峯

清淺風流聖得知  
黃昏歸鶴月來時  
嶺頭更有高寒處  
却是江

文信國公集卷十二

詩

九

南第一枝

送人往湖南

雁拖秋月洞庭邊  
客路淒涼野菊天  
雲隔酒尊橫北海  
風吹詩史落西川  
夜深鬼火千山雪  
春後鶻花一樹煙  
爲我祝融峯上看  
朝暾白處禮蓬仙

題張景召簿尉梅墅并餞入南

喚醒三影燕支魂  
一枝半樹專黃昏  
江南暗香鬱不住  
霜風吹入羅浮村  
疏枝不入朝川畫  
暗香不到東山棋  
雲階一枕梨花夢  
參橫月落無人知

和謝愛山晚吟韻日晚與客散步因誦夕陽雖好不多時  
之句謝愛山欣然賦之余亦率然口占以和亦一時之樂  
也

日落未落天蒼涼懸厓掛壁留餘光紫煙翠霧空迷茫颺颺度  
壑松風長牛背短笛催歸忙飄飄逸興空悠揚襟懷灑落萬慮  
亡須臾薄暝山色藏長歌浩浩相激昂淡雲弄月微昏黃

別謝愛山二首

綠綺知音早青燈對語遲那知今兩別又重故人思山隔詩情  
遠雲含客思悲小樓今夜笛莫向月中吹

文信國公集

卷十二

詩

十

君今拂衣去我獨枕書眠一片過林雨數聲當戶蟬情長空有  
恨吟苦不成篇後會知何日西風老雁天

和胡琴齋

名曰宣字德昭

買得青山貴似金瘦筇上下費沉吟花開花落相關意雲去雲  
來自在心夜雨一江漁唱小秋風兩袖客愁深夾堦密與栽楊  
柳剩有行人待綠陰

七月十三夜用燈牌字韻湊成一詩與諸賓一笑

赤壁當年賦子虛西風忽復到菰蒲蟾蜍影裏千秋鑑蟋蟀聲  
中七月圖詩思飄飄入雲漢歌聲隱隱動江湖萬家簫鼓連燈

火見說來年此事無

病中作

歲月侵尋見二毛  
劍花冷落鷓鴣膏  
睡餘吸海龍身瘦  
渴裏奔雲馬骨高  
百忌不容親酒具  
千愁那解減詩豪  
起來大作屠門嚼  
自笑我非兒女曹

又二絕

瞿塘隘處真重險  
勾漏坡前又一灘  
世事不容輕易看  
翻雲覆雨等閒閒

病中忽悟通真理  
靜處專尋入定工  
雨汗淋頭都不管  
須臾和

文信國公集卷十一

氣自冲融

又賦二首

一病忽兩月蓬頭夏涉秋  
形羸心自壯手弱筆仍邁  
昨夜燈如喜今宵蝶莫愁  
閒誰驅五瘧正與五窮謀

一病四十日西風草木涼  
倚牀腰見骨覽鏡眼留眶  
倦策吟詩杖頻燒讀易香  
夜深排果餌乞巧太醫王

又賦三首

病裏心如故閒中事更生  
睡貓隨我嬾黠鼠向人鳴  
羽扇看棋坐黃冠扶杖行燈前翻自喜  
瘦得此詩清

驟雨知何處一溪秋水生苦吟肩鶴瘦多病耳蟬鳴隱几惟便  
睡挑包正倦行山深明月夜乞我半窗清  
寄興逃吾病吟詩老此生風高鴻雁起晴久鴉鳩鳴野樹辭秋  
落溪雲帶雨行晚涼便懶坐移傍竹陰清

借道冠有賦

病中蕭散服黃冠笑倒羣兒指爲彈祕監賀君曾道士翰林蘇  
子亦祠官酒壺釣具有時樂茶竈筆牀隨處安幸有山陰深密  
處他年煉就九還丹

又賦

時以草果數百  
枝作枕遂得汗

文信國公集

卷十二

詩

十二

一番潮信過時暫脫熬煎心似轆轤轉身如微纒纏夜聽饑鼠  
嘯畫看伏雌眠急雨千山動應知爲解弦

病甚夢召至帝所獲宥覺而頓愈遂賦

臥聽風雷叱天官敕小臣平生無害物不死復爲人道德門庭  
遠君親念慮新自憐螻蟻輩豈意動蒼旻

病愈簡劉小村二首

秋光沁入骨意氣曉來新古鼎龍團雪虛簷塵尾春商山奕棋  
老赤壁洞簫竇風月眞翁扁招呼入屋頻

倦餘心似醉病起首如蓬黃竹斷橋雨白蘋長筒風僊僊鷗屨

舞咄咄雁書空孤負秋來眼閒掛  
寒下桐

夜坐偶成

蕭蕭秋夜涼明月入我戶攬衣起  
坐庭仰見牛與女坐久寒露  
下悲風動紈素不遇王子喬此  
意誰與語

簡琴窗雲屋竹軒諸友

世情千萬變險甚劍頭炊嗜傳  
姑成癖登山且作癡煙霞非疾  
痼泉石自心馳獨喜精神健山  
中剩有詩

用前韻留琴窗

百年茅上浙萬事枕中炊病苦  
還思老貪曠未若癡雲低天欲

文信國公集

卷十二

詩

十三

動江長岸如馳明月西風健山  
頭賦別詩

病中作用前韻

六月廿四夜人間熱欲炊病懷  
如酒困倦睫似書癡夢與千年  
接心隨萬里馳客來相問訊奇  
語有新詩

又用韻簡李深之

名道大號深齋

晚尊和月吸早飯帶星炊鵬鷄  
從高下螳蟬任黠癡水澄神自  
止雲遠意俱馳門外誰車馬故  
人來課詩

早起偶成

澹澹池光曙沉沉野色秋片雲  
生北舍隻雁過南樓有見皆成

趣無言總是愁芭蕉夜來水噉罷自搔頭

又用韻

江山如有意天地可無秋夜月馮驩缺西風玉粲樓露蛩令我  
喜煙草爲誰愁且醉杯中物相看尙黑頭

曉起二首

夢破風煙迥衾寒不自由鐘聲到枕曙月影入簾秋雁過江山  
老蛩吟草樹愁整冠人共笑兩月不梳頭

遠寺鳴金鐸疏窗試寶熏秋聲江一片曙影月三分倦鶴行黃  
葉癡猿坐白雲道人無一事抱膝看回文

文信國公集卷十二詩

十四

夜坐

淡煙楓葉路細雨蓼花時宿雁半江畫寒蛩四壁詩少年成老  
大吾道付透遲終有劍心在聞雞坐欲馳

和朱松坡

學醫未至太醫王笑殺年年折臂傷屏裏江山如出色亭皋松  
菊已成行細參不語禪三昧靜對無弦琴一張多謝嶺頭詩寄  
我滿園梅意弄春光

陳貫道摘坡詩如寄以自號達者之流也爲賦浩浩歌一

首

浩浩歌人生如寄可奈何春秋去來傳鴻燕朝暮出沒奔羲娥  
青絲冉冉上霜雪百年歎若彈指過封侯未必勝瓜圃青門老  
子聊婆娑江湖流浪何不可亦曾力士爲脫靴清風明月不用  
買何處不是安樂窩鶴脰豈長鳧豈短夔足非少虵非多浩浩  
歌人生如寄可奈何不能高飛與遠舉天荒地老懸網羅到頭  
北邙一坏土萬事碌碌空奔波金張許史久寂寞古來賢聖聞  
邱軻乃知世間爲長物惟有真我難滅磨浩浩歌人生如寄可  
奈何春夢婆春夢婆拍手笑呵呵是亦一東坡非亦一東坡

借朱約山韻就賀桂冠

文信國公集

卷十二

詩

五

身健尙堪松下飯眼明正好橋中棋青山有約當朱戶白首何  
心上彩蘭栗里田園供雅興午橋鐘鼓賞清時晚來倦客秋江  
上坐看半天黃鶴飛

用前人韻賦招隱

釣魚船上聽吹笛煨芋爐頭看下棋  
膾有晚愁歸別浦已無春  
夢到端闈去年尙憶桃紅處好景重逢橘綠時  
珍重山人招隱意猿啼鶴嘯白雲飛

用前人韻招山行以春爲期

攜筇竹徑隨人坐鑿破苔磯到處棋  
一水樓臺開曉鏡萬山花



木放春闈雪中便有回舟興林下豈無燒筍時莫待東風吹柳絮眼穿籠鶴遠湖飛

翰林權直罷歸和朱約山韻

閒雲舒卷無聲晝醉石敲推一色棋試問挂瓢棲碧洞何如襍被卧彤闈夢中芳草還成路別後黃花又是時羞殺今年堂上燕片心寄與雁南飛

慶羅氏祖母百歲 羅氏慶門壽母百歲父老見所未嘗

鄉間夸以爲盛某旣交朋升堂爲壽退布席廳事與橫舟昆弟子姪舉酒盡歡酒酣賦詩志喜也

文信國公集卷十二 詩

六

麗日萱花照五雲升堂風采見乾涓蓬萊會上逢王母婺女光中見老人雨露一門華髮潤江山滿座綵衣新只將千載苓爲壽更任人間九百春

拜羅氏百歲母之明日主人舉酒客張千載心賦詩某喜贊不自已見之趁韻

翠微三島近畫閣五雲橫春水鷗聲滑夕陽鴉背明尊前持一笑花下卧餘醒會見瑶池母不爲虛此生

醉清湖上三日存叟獨不在坐卽席有懷

石鼎吟方透瑤觴醉未闌疏林花密綴舊壘燕新安春半湖山

好夜深江海寒王孫隔芳草初月正相看

羅山長存叟兄弟來湖宴山中

存叟名耕登科

天開盤谷隱春到浣溪家一水樓臺影滿山桃李花春風寄橫  
笛夜月擬乘槎政好逢佳客江空北斗斜

壽朱約山八十韻

九月十一日

翠袖瓊樓八十翁平安曉宇看孤鴻五湖圖裏添彭祖南極光  
中約祝融日日青山醉春色年年黃菊飽西風鷹揚但願無施  
處臣老婆婆一釣蓬

壽朱約山八十三歲

文信國公集卷十二

詩

七

八十餘翁雪滿顛深衣大帶耳垂肩礪溪回首今三載絳縣論  
心又十年歸去來兮真富貴美哉壽也活神仙門前燕雀紛如  
雨媿我白雲深處眠

賀秘書歐陽巽齋先生遷居

名守道字公權

先生挾冊當菑畬不待辛勤有屋廬宅樣只還齊里舊鄉風好  
似穎川居鏡湖今日賀外監瀛館前年虞秘書天下經綸猶一  
室時人尙敢說吾迂

挽李制帥

二首名遇龍字叔興

上下荆淮劍氣雄進擔全蜀凜英風將壇敵血金湯志白腹填

天竹昂功治法征謀關世道精忠定功  
險翻落黃梁一夢中

世變江河渺未涯如公真是濟時危幾年  
湘鵬識悲天下皆傳清獻節人心自有武侯碑  
約收淚西風寄些詞

挽孫庸齋

極密見

淮水奇人物樞星偉弟兄泰山開學譜巽谷發時源  
志修文莫返魂功名傳久遠賴有二郎存

挽龔用和

文信國公集卷十二

詩

丈

結屋南陵三十秋田園舊隱隔江流  
車馬少遊名利無心付隄鹿詩書有種出煙樓  
玉魂魄猶應戀故邱

挽萬監丞益之

文華時輩右質樸古風餘壁上春  
屋風雪故人書一夢中觀化堯夫以後無

哭秘書彭止所

名方迥丙辰省元

大斡孤中祕神山返異仙目穿陪縹處  
死章編豈不傳奠芻和淚遣此月向誰

挽潮守吳西林一首名道夫字深源

凜凜千軍筆堂堂一面威荆流春浪湧岷樹暮雲飛素壁鯨猶  
在中橋鶴不歸劍亭遺跡古豐石照山輝

傾蓋歲年晚相知江海深春天思北樹夜雨話西林五嶺生前

夢中原地下心英雄凋落盡慷慨一霜襟

挽高郵守晏桂山名陶字復之祕書丞

淮南已仙去桂樹鬱青青五馬賢聲望三丞舊典型邦人多感  
歎諸老半凋零何日持雞酒傷心請葬銘

挽鄆晉叔玉篋名晉同榜

文信國公集卷十二

詩

九

此君何坦坦迴首杏園遊魂魄湘潭去聲名彭澤休百年中道  
短千里故鄉愁六子三方幼遺言可淚流

挽王遠叔

孟嘗生五日白首歎遭逢燈火殘編雨壑鹽短褐風入天下鵬  
鶚半水偃蛟龍原上諸生哭黃花衰草中

挽蕭帥機虎溪名了翁字明可

世以千金重誰能學隨君一門名似雨滿座客如雲志願生無  
憾聲華死有聞韓碑照原草含笑有斯文

挽朱尙書貌孫

一代文昌貴千年諫議名  
天球聲渾厚元酒韻和平  
巖穴思風采朝廷惜老成  
東西生死別江水淚爲傾

挽大博宋古平二首

白氏賢司馬  
昌黎真學官  
江湖驚落筆  
朝野望彈冠  
天馬高風骨  
秋鷹折羽翰  
萊庭人白髮  
煙雨萬松寒  
鐵硯傷同志  
青燈憶舊游  
臨軒朝鳳闕  
馳道聽雞籌  
魏野神仙宅  
元龍湖海樓  
西風一揮淚  
世事蓋棺休

挽黎致政

黎探花祖

楚峯天地闢四世百年家  
鶴髮垂袍葉龍孫上榜花  
詩書新雨

文信國公集卷十二

詩

三

露松栢老煙霞白  
馬蒼山路斯人忽已遐

古心江先生以舊粥出鎮長沙癸酉十月乙亥是爲七十

六歲門人文某以一節趨走郢內謹擬古體一首爲壽

炎圖啟丕運  
皇路熙以平  
蜿螭發令姿  
有美洵一人  
鴻藻舒朝華  
大音鏘韶鈞  
黼珽麗三階  
火龍昭統紘  
桓圭殿南服  
熊旂被金城  
瞻彼鷄爲火  
翼軫宣其精  
祥鸞舞瑤席  
鳴鳳翔媧笙  
孟冬兆陽氣  
西北無浮雲  
駕言酌春酒  
可以寫我情  
揚旂下祝融  
躡履朝奉清  
嘉猷扇九垓  
還以遂古滴  
君子保金石  
所以永國成  
純嘏錫千歲  
繇繇贊休明

張宗甫兄弟楚觀登舟赴湖北試

金螺曉氣照人寒  
手把天漿領佩環  
夜月送魚來赤壁  
秋風吹雁發衡山  
東南折處琪花見  
牛女光中槎影還  
見說青年文賦好  
士龍一笑共雲間

衡州送胡端逸赴漕

號觀齋 時八月十五日發兵討賊

楚觀蒼花曉  
舟人擊鼓東  
蛟龍噴靈雨  
鵬鵠展雄風  
此容雲霄  
士斯文造化  
工捷來君飲  
此我亦凱元戎

題楚觀樓

西風吹感慨  
曉氣薄登臨  
半壁楚雲立  
一川湘雨深  
乾坤橫笛

文信國公集

卷十二

詩

三

影江海倚樓心  
遺恨飛鴻外  
南來訪遠音

安序宋吏部來牧衡陽某將指聯事好也  
會以便郡歸養  
獲忝交承臨發賦詩湘水千里

傾盡年華晚行人  
早發湘白雲  
虹浪小明月  
燕花香南浦  
春何急巴山日  
正長祝君加一飯  
我意爲桐鄉

贈周東卿畫魚

觀君瀟湘圖起我濠上心  
短褐波濤舊秋雨菰蒲深

某明臬衡湘蒙恩以便郡歸養肯齋大卿實寓衡我十年

前邦君也一再見間卽分南北五言啟之所以致今舊雨

瀟湘一夜雨湖海十年雲  
相見皆成老重逢便作分啼鵲春浩  
蕩回雁曉殷勤江關人方健  
月明思對君

幕客載酒舟中卽席序別

故人滿江海遊子下瀟湘  
夢載月千里意行雲一方櫓  
聲人語小岸影客心長  
總是浮萍迹飛花莫近檣

用韻謝諸客和章

傳鼓發船去我秦君向湘  
持螯思太白占鶴問東方  
世味秋雲薄交情江水長  
相期天路曉陣馬度風檣

文信國公集

卷十二

詩

三

湘潭道中贈丁碧眼相士

自詭衡山道士孫至今句法有軒轅  
世人未見題堯廟盡把昌黎作  
寓言

收拾衡雲作羽衣便如屈子遠遊歸  
離騷忘却題天柱爲立斜陽問翠微

咸淳甲戌第二朔尋道楮洲里徐畝方諫自長沙來爲別

問客幾何日半年矣臨別爲賦

君爲湘水燕我作衡陽雁  
雁去燕方留白雲草迷岸

和衡亭宋安序送行詩并序

二首

某將指罔功叨符便養初聯寅誼近依清燕之香末忝交盟  
親授朱提之印冠蓋一時之盛事縉紳百世之深情別集殷  
勤歌詞鄭重夢回雲舍深懷萱草之詩思乏雪車謾和梅花  
之賦瞻言作遠覽擲爲榮

玉立湘西第一州丹梯小爲嶽雲留東風城郭人行樂春日旌  
旗公出遊便趁緜香摩碧漢莫嫌繡影澗清流兩君相見衣冠  
好記取兒孫好話頭

方共衡雲把酒杯春風吹向鬱孤臺雁將回處驚帆落花未開  
時怯笛催別草可堪遊子去寄梅應爲故人來臨行笑覓凝香

文信國公集

卷十二

詩

三

譜十駕那追逸驥材

贈萍鄉道士

道士觀行人半似重相見古云性相近性豈不如面萬形本一  
性萬心方一殊世固難絕聖亦恐難絕愚

白髭行

憶昔守宣時白上一根髮去之四五年一化爲七八今年客衡  
湘黑髭已多黃衆黃忽一白驚見如陵陽白髮已爲常白髭何  
足怪歲月不可歇雪霜日長大世人競染繡厭之固足嗤誰服  
蘆菹湯避老亦奚爲少老如春秋造物以爲儔吾方樂吾天樂



天故不憂

將母赴穎道西昌

重來鷗閣曉帆影漲新晴倚檻雲來去閉簾花送迎江湖春汗漫歲月老擘鱗手把忘憂草夔夔繞太清

快閣遇雨觀濶

一笑登臨晚江流接太虛自慚雲出岫爭訝雨隨車慷慨十圍柳周回千里魚故園隄好在夜夢繞吾廬

題鬱孤臺

城郭春聲闌樓臺晝影遲並天浮雪界蓋海出雲旗風雨十年

文信公集

卷十二

詩

十四

夢江湖萬里思倚闌時北顧空翠溼朝曦

予題鬱孤泉筦五湖翁姚濂為之和翁官滿歸里因韻贄

別并謝前辱

巢龜君住好涌翠我來遲夜雨呼三韭春風試一旗飛花行客夢芳草故人思何日五湖上同看浴海曦

用韻謝前人

茲遊良邂逅吾道未透遲斗野橫雙劍牛津直兩旗北風應小任明月便相思輪與君家近扶桑五色曦

翠玉樓晚雨

晚樓一曲轉梅花官事無多報放衙  
林木蔽虧煙斷續江流曲  
折雨橫斜年華冉冉風前影歲  
莫悠悠客裏家一雁近從沙嘴  
落更饒片雪入天涯

翠玉樓觀雪

矯矯臨清泚濛濛認翠微  
錦春生客袖鐵冷上戎衣  
柳眼驚何老梅花覺半肥  
新來有公事白戰破重圍

翠玉樓和胡端逸韻

客影魚千里年華柳十圍  
白雲棲石密黃鸝出煙微  
江海秋風老湖山晚日暉  
鬱孤臺上望野闊犢初肥

文信國公集

卷十二

詩

一五

翠玉樓

昏鴉何處落野渡少人行  
柴聲在地青山影入城  
江湖行客夢風雨故鄉情  
試問南來信梅花三兩英

合江樓 二首

天上名鷄尾人間說虎頭  
春風千萬岫秋水兩三洲  
客晚驚黃葉官閒笑白鷗  
雙江日東下我欲賦扁舟

西楚驚鴻晚東淮落木秋  
蒸湘今石鼓句宛古宣州  
白日聊清賞青山總舊遊  
不知滄海水何處接天流

早盞樓

一水樓臺繞半空  
圖畫開  
蝸涎行  
薛荔雀影上  
莓苔碧  
落人千  
載  
青山酒一杯  
晚煙看不盡  
待月却歸來

石樓

曉色重簾捲  
春聲疊鼓催  
長垣連草樹  
遠水照樓臺  
入境煙濃  
淡六街人往來  
平安消息好  
看到嶺頭梅

馬祖巖

會將飛錫破  
苔痕一片雲  
根鎖洞門  
山人家  
山下路  
石頭心事付無言

禪關

文信國公集卷十二

秋風吹日上  
禪關路  
松花第一灣  
具願四時煙  
霧少滿城樓

閣見青山

吸江

絕壁千尋俯  
雪潭  
春花秋草有豈  
參當年  
誤著蒲團坐  
惹得人

稱馬祖巖

塵外

半山風雨截  
江城未脫人  
間總是塵  
中夜起看衣  
上月青天如

水露華新

雲端

牛空天矯起，舂臺傳道。劉安車馬來山上，自晴山下雨。箇箇平  
立看風雷。

清江何漢英再見於空同，讀歐陽先生詩，感慨爲賦。

采芝雲滿山，采藥瀑垂澗。當年有清微，爲寄南來雁。雁去人已  
逝，歲月劫云晏。流水失聲音，西海老憂患。任日志士悲窮途，行  
子慣君爲梁宋遊。我復江漢宦，十年取相逢。千里欠一盼，玄機  
寄糟粕。美疾墮芻豢，贈子歸東方。聊薦吳興苒。

送曹倅巖山官滿歸里

名大發  
頓倅

春陵光霽落蒼苔，葛水神仙立翠槐。萬里雲霞驥驥路，三年風

文信國公集卷十二

詩

毛

月鳳凰臺興同老子復，不淺歌曰先生歸去來。庾嶺梅花開漸  
徧，一枝就與寄蓬萊。

和前人賦別二首

翠松三萬頃，松雪著神。仙柳院催金鑰，江花送玉鞭。曉巖雲壁  
立，晚棹浪規圓。未了醉翁事，重尋穎上田。  
當年童子見，今見二毛翁。海月三秋別，江雲一日同。鷗心馳舍  
北，龍尾曳天東。定有延和奏，南來寄一通。

贈明脈蕭信叔

枚乘擅七發，郭玉明四難。微言起沈痾，此道今漫漫。云何東海

生而乃緒真要書然以神遇契彼鏡經妙我欲炊彫胡俯鑿菊  
水泉詩彼方輿人六氣何由警

贈林碧鑑相士

咸陽宮中四尺鏡照人五臟何爛爛桑田滄海千餘年百鍊依  
然化爲鑛君從何處得此物鑄就雙瞳敵秋月向來照心今照  
形不事瀾翻三寸舌遠衝風雪肯我過看來猶未深知我我方  
簞笠立釣磯萬事浮雲都拗破噫嘻吁只令神目鬼眼紛道途  
暗中許負應胡盧試問何如林家老碧鑑不知天津橋上復有  
龍鍾無

文信國公集卷十二

詩

天

送吉州陳守解任

美人策良馬弭節螺江湄歲年忽晚晚桃李已成蹊迢迢一水  
間復復東與西晴川夾修楊行舟何能維朱鳳翔海山層漢揚  
音微高岡有梧桐駕言覽朝暉贈君以白雲白雲不我持贈君  
以明月明月不我攜白雲與明月遠道相追隨

贈蜀醫鍾正甫

炎皇覽衆草異種多西州爲君望峨岷使我雙淚流向來秦越  
人朝洛夕邯鄲子持鵲經來自西亦徂南江南有羈羽豈不羈  
故營何當同皇風六氣和巨平

改題萬安贖凝祥閣

古道松花空翠香風前鬢影照滄浪飛泉半壁朝雲溼啼鳥滿

山春日長須信神仙原有國不知蠻觸是何鄉道人橫笛招歸

鶴坐到斜暉上璧璫

相如遊獵賦華懷璧璫  
注璧璫以玉爲椽頭

西昌倪氏有山谷書杜陵山水圖障歌作江山堂堂廢其

後人以黃書求題跋感慨一絕

杜二已無黃九去長歌大字落江山百年風物今何似春水晚

煙飛白鷗

山中再次胡德昭韻

文信國公集卷十二

詩

无

不將顏色汗黃金落得灞橋驢上吟是處江山生酒興滿天風  
雪得梅心觥籌堂裏春聲沸燈火林皋夜色深人世可能行樂  
耳重游不用卜晴陰

人生柳絮鬪堅牢過眼春光歎伯勞蜀道謾傳千古險廬山方  
許一人高眼前見赤徒妨道耳後生風未當豪明月蘆花隨處  
有扁舟自在不須篙

會見尊前此客哉笑攜塵尾拂莓苔水邊飛雁年年見湖上新

亭日日來醜菊醉餘披草坐探梅吟罷帶花回北厓尙被剛風

隔笑殺匆匆上馬杯

山中泛舟觴客

便作乘槎客蕭蕭骨髮清  
尊前山月過箇裏水風生  
半夜魚龍沸三秋河漢明  
雪堂眠二客夢與白鷗盟

挽巽齋先生歐陽大著

徘徊河西上月落衆星稀  
哲人萎中道雨絕將安之  
昔者麗鴻藻玉振含清暉  
名理軼晉魏雅言襲軻思  
連駕觀馳道並坐侍端闈  
及門懷燕婉升堂接逶迤  
方期黃鵠翔忽作朝露晞  
黔婁不蓋體延陵有遺悲  
層阿翳寒樹平楚暖希微  
帷幌衣廣柳編冠涕如縻  
水從章江去雲遶楚山飛  
已矣如有聞斯文不在茲

文信國公集

卷十二

詩

三

送劉其發入蜀

秋風淒已寒蜀道阻且長  
虎狼伏原野欲濟川無梁  
客從何處來云我之西方  
蕭蕭驢蹶鳴熠熠濕盧光  
昔時榮華地今爲爭戰場  
將軍揚天戈壯士發戎行  
江南有羈鳥悠悠懷故鄉  
鴛鴦與子遊雲天何茫茫

周蒼厓入吾山作圖詩贈之

三庄石上結因緣袍笏橫  
斜學米顛漁父幾忘山下路  
仙人時訪嶺頭船烏猿白鶴  
無根樹淡月疏星一線天  
爲我醉呼天瀕洞倦來平卧看雲煙

題羅次詒摘草

遊子西南來出門道何悠文章會有用意氣輕身謀紛紛食粟  
肉藜藿其憂君看百川水何處不東流

挽劉知縣 名元高字仲山實齋之子

玉海淵源懿金閨步武高功業千載意翰墨一時象天馬台風  
骨秋鷹折羽毛相逢俱白髮

古樂詩 壽人母

珊瑚香點臙脂芙蓉帳歷春雲碧明月初早弄燈前月欲盡九  
霞碧滿折秋桐

文信國公集卷十一

青頭上更有瑤池清六九五十四東風西蟠桃花未紅鴛鴦

鼓玉聲玲瓏綠毛蒙茸蓮水藕嫋嫋人閒稀春多端葉不

敢飛冰壺光滿魚龍轉笑中低舞玉釵燕明年今日長秋殿安

輿入侍金桃宴

齊天樂 慶湖北漕知鄂州李樓峯

南樓月轉銀河曙玉簫又吹梅早鸚鵡沙晴葡萄水暖一縷燕

香清裊瑤池春透想桃露霏霞菊波沁曉袍錦風流御仙花帶

瑞虹繞玉關人正未老喚磯頭黃鶴岸巾談笑劍拂淮清棹

橫楚黛雨洗一川煙草印黃似斗看牛硯薔薇滿鞍楊柳沙路



歸來金貂蟬翼小

齊天樂

甲戌湘憲種德堂燈屏

夜來早得東風信瀟湘一川新綠  
洲色含晴梅心沁暖春淺千  
花如束銀蟬乍浴正沙雁將還  
海釐朝蟲雲擁旌旗笑聲人在  
畫闌曲 星虹瑤樹縹緲珮環  
鳴碧落瑞籠華屋露耿銅虬冰  
翻鐵馬簾曠光金 葉遲遲倚竹  
更爲把瑤樽滿斟醅回首  
宮蓮夜深歸院燭

文信國公集

卷十二

詩

送

文信國公集卷十二終

文信國公集卷十三

指南錄

自序

予自吳門被命入衛守獨松關迺王正二日除浙西大制撫領  
神臬予辭尹引帳兵二千人詣行在日夕贊陳樞使宜中謀遷  
三宮分二王於閩廣元夕後予所部兵皆聚於富陽朝廷擬除  
予江東西廣東西制置大使兼廣東經畧知廣州湖南策應大

文信國公集

卷十三

指南錄

一

使未及出命陳樞使已去國十九日太皇除予右丞相兼樞密  
使都督諸路軍馬時北兵駐高亭山距修門三十里是日虜帥  
卽引董參政以兵屯榷木教場城中兵將官紛紛自往納降予  
欲召富陽兵入城已不及事三宮九廟百萬生靈立有魚肉之  
憂會使轍交馳北約當國相見諸執政侍從聚於吳左丞相府  
不知計所從出交贊予一行國事至此予不得愛身且意北尙  
可以口舌動也二十日至高亭山詰虜帥前後失信虜帥辭屈  
且謂決不動三宮九廟決不擾京城百姓留予營中旣而呂師  
孟來予數罵其叔姪僉不放還賈餘慶者逢迎責國乘風旨使

代予位於是北兵入城所以誤吾國陷吾民者講行無虛且北  
知賣國非予所容也相戒勿令文丞相知未幾賈餘慶吳堅謝  
堂家鉉翁劉昂皆以府第爲祈請使詣北方蓋空我朝廷北將  
甘心焉二月八日諸使登舟忽北虜遣伴逼予同往予被逼  
脇欲卽引決又念未死以前無非報國之日姑隱忍就舟方在  
京時富陽兵已退趨婺處等州予俟間還軍苦不自脫至是欲  
從道途謀遁亦不可得至京口留旬日始得鹽商小舟於二月  
晦夜走真州朔日守苗再成相見論時事慷慨流涕予致書兩  
淮間合兵興復苗贊之甚力初三日早制司人來迺出文書謂

# 文信國公集

## 卷十三

指南錄

二

丞相爲賺城欲不利於我苗不以爲然送予出門勸奔淮西予  
謂此北反間也否則託辭以逐客也李公仁人使見予必感動  
遂之維揚苗遣五十兵四騎從行夜抵西門欲待旦求見呵衛  
嚴密鼓角悲慘杜架閣謂李公必不可見徒爲矢石所陷不如  
渡海歸從王室予然之自是日夜奔南出入北衝犯萬萬死道  
途苦難不可勝述嗚呼予之得至淮也使予與兩淮合北虜懸  
軍深入犯兵家大忌可以計擒江南一舉而遂定也天時不齊  
人事好乖一夫頓困不足道而國事不競哀哉予至通聞二王  
建元帥府於永嘉陳樞使與張少保世傑方以李郭之事爲已

任狼狽憔悴之餘喜不自制跋涉鯨波將踞巖以從意者天之所以窮餓困乏而拂亂之者其將有所俟乎德祐二年閏月日廬陵文天祥自序

後序

德祐二年二月十九日予除右丞相兼樞密使都督諸路軍馬時北兵已迫修門外戰守遷皆不及施縉紳大夫士萃於左丞相府莫知計所出會使轍交馳北邀當國者相見衆謂予一行爲可以紓禍國事至此予不得愛身意北亦尙可以口舌動也初奉使往來無留北者予更欲一覘北歸而求救國之策於是

文信國公集

卷十三

指南錄

三

辭相印不拜翼日以資政殿學士行初至北營抗辭慷慨上下頗驚動北亦未敢遽輕吾國不幸呂師孟搆惡於前賈餘慶獻詔於後予羈縻不得還國事遂不可收拾予自度不得脫則直前訴虜帥失信數呂師孟叔姪爲逆但欲求死不復顧利害北雖貌敬實則憤怒二貴酋名曰館伴夜則以兵圍所寓舍而予不得歸矣未幾賈餘慶等以祈請使詣北北驅予并往而不在使者之目予分當引決然而隱忍以行昔人云將以有爲也至京口得間奔真州卽具以北虛實告東西二閫約以連兵大舉中興機會度幾在此留二日雜揚帥下逐客之令不得已變姓

名詭蹤跡草行露宿日與北騎相出沒於長淮間窮餓無聊追  
購又急天高地迥號呼靡及已而得舟避渚洲出北海然後渡  
揚子江入蘇州洋展轉四明天台以至於永嘉嗚呼予之及於  
死者不知其幾矣訊大會當死罵逆賊當死與貴會處二十日  
爭曲直屢當死去京口挾匕首以備不測幾自剄死經北艦十  
餘里爲巡船所物色幾從魚腹死真州逐之城門外幾徬徨死  
如揚州過瓜洲揚子橋竟使遇哨無不死揚州城下進退不由  
殆例送死坐柱公塘土圍中騎數千過其門幾落賊手死賈家  
莊幾爲巡徼所陵迫死夜趨高郵迷失道幾陷死質明避哨竹

文信國公集

卷十三

指南錄

四

林中邏者數十騎幾無所逃死至高郵制府檄下幾以捕繫死  
行城子河出入亂屍中舟與哨相後先幾邂逅死至海陵如高  
沙常恐無辜死道海安如皋凡三百里北與寇往來其間無日  
而非可死至通州幾以不納死以小舟涉鯨波出無可奈何而  
死固付之度外矣嗚呼死生晝夜事也死則死矣而境界危惡  
層見錯出非人世所堪痛定思痛痛何如哉予在患難中間以  
詩記所遭今存其本不忍廢道中手自抄錄使北營留北關外  
爲一卷發北關外歷吳門毘陵渡瓜洲復還京口爲一卷脫京  
口趨真州揚州高郵泰州通州爲一卷自海道至永嘉來三山

爲一卷將藏之於家使來者讀之悲予志焉嗚呼予之生也幸而幸生也何爲所求乎爲臣王辱臣死有餘僇所求乎爲子以父母之遺體行殆而死有餘責將請罪於君君不許請罪於母母不許請罪於先人之墓生無以救國難死猶爲厲鬼以擊賊義也賴天之靈宗廟之福修我戈矛從王于師以爲前驅雪九廟之恥復高祖之業所謂誓不與賊俱生所謂鞠躬盡力死而後已亦義也嗟夫若予者將無往而不得死所矣向也使予委骨於草莽予雖浩然無所愧怍然微以自文於君親君親其謂予何誠不自意返吾衣冠重見日月使旦夕得正邱首復何憾

文信國公集

卷十三

指南錄

五

歲是年夏五改元景炎廬陵文天祥自序其詩名曰指南錄

卷之一

赴闕

楚月穿春袖吳霜透曉驕壯心欲填海苦膽爲憂天役役慙金注悠悠歎瓦全丈夫竟何事一日定千年

不所懷

予自高亭山爲北所留深悔一出之誤聞故人劉小村陳蒲

塘引兵而南流涕不自堪

只把初心看休將近事論誓爲天出力疑有鬼迷魂明月夜推

枕春風晝閉門故人萬山外俯仰向誰言

自歎

正月十二夜予聞陳樞使將以十五日會伯顏於長堰予力言不可踰樞使爲尼此予自知非不明復卒自蹈殊不可

曉也

長安不可詣何故會高亭倦鳥非無翼神龜弗自靈乾坤增感慨身世似飄零回首西湖曉雨餘山更青

鐃銘

貌雜下爲眾日夜望南轅老馬翻迷路羝羊竟觸藩武夫傷鐵

文信國公集

卷十三

指南錄

六

錯達士笑金昏單騎見回紇汾陽豈易言

和言字韻

予以議論大烈北愈疑憚不得歸關將校官屬日有叛去世道可歎

悠悠天地關世事與誰論清夜爲揮涕白雲空斷魂死生蘇子節貴賤翟公門前輩如瓶戒無言勝有言

愧故人

九門一夜漲風塵何事癡兒竟誤身子產片言圖掇鄭仲連本志爲排秦但知慷慨稱男子不料蹉跎愧故人玉勒雕鞍南上

去天高月冷泣孤臣

求客

眼看銅駝燕雀羞東風花柳自皇州白雲萬里易成夢明月一  
間都是愁男子鐵心無地着故入血淚向天流雞鳴會脫函關  
厄還有當年此客不

紀事

予詣北營辭色慷慨初見大酋伯顏語之云講解一段乃前  
宰相首尾非予所與知今太皇以予爲相予不敢拜先來軍  
前商量伯顏云丞相來勾當大事說得是予云本朝承帝王

文信國公集卷十三

指南錄

七

正統衣冠禮樂之所在北朝欲以爲國歟欲毀其社稷歟大  
酋以虜詔爲解說謂社稷必不動百姓必不殺予謂爾前後  
約吾使多失信今兩國丞相親定盟好宜退兵平江或嘉興  
俟講解之說達北朝看區處如何卻續議之時兵已臨京城  
紆急之策惟有款北以爲後圖故云爾予與之辨難甚至云  
能如予說兩國成好幸甚不然南北兵禍未已非爾利也北  
辭漸不遜予謂吾南朝狀元宰相但欠一死報國刀鋸鼎鑊  
非所懼也大酋爲之辭屈而不敢怒諸酋相顧動色稱爲丈  
夫是晚諸酋議良久忽留予營中當時覺北未敢大肆無狀



及子既繫維賈餘慶以逢迎繼之而國事遂不可收拾痛哉

三宮九廟事方危狼子心腸未可知若使無人折狂虜東南那箇是男兒

春秋人物類能言宗國常因口舌存我亦瀕危專對出北風滿野負乾坤

單騎堂堂詣虜營古今禍福了如陳北方相顧稱男子似謂江南尙有人

百索無厭不可支甘心賣國問爲誰豺狼尙畏忠臣在相戒勿

文信國公集

卷十三

指南錄

八

令丞相知

慷慨輕身墮蒺藜羝羊生乳是歸期豈無從吏私袁盎恨我從前少侍兒

英雄未肯死前休風起雲飛不自由殺我混同江外去豈無曹翰守幽州

紀事

正月二十日晚北留子營中云北朝處分皆面奉聖旨南朝每傳聖旨而使者實未嘗得到簾前今程應飛面奏大皇親聽處分程回日卻與丞相商量大事畢歸闕旣而失信予直

前責虜酋辭色甚厲不復顧死譯者再四失辭予迫之益急  
大酋怒且愧諸酋羣起呵斥予益自奮文煥輩勸予去虜之  
左右皆喑喑嗟歎稱男子心  
狼心那顧歌銅盤舌在縱橫擊可汗自分身爲齏粉碎虜中方  
作丈夫看

紀事

正月二十日至北營適與文煥同坐予不與語越二日子不  
得回闕詎虜酋失信盛氣不可止文煥與諸酋勸予坐野中  
以少遲一二日卽入城皆給辭也先是予赴平江入疏言叛

文信國公集

卷十三

指南錄

九

逆遺孽不當待以姑息乞舉春秋誅亂賊之法意指呂師孟  
朝廷不能行至是文煥云丞相何故罵煥以亂賊子謂國家  
不幸至今日汝爲罪魁汝非亂賊而誰三尺童子皆罵汝何  
獨我哉煥云襄守六年不救子謂力窮援絕死以報國可也  
汝愛身惜妻子旣負國又隕家聲今合族爲逆萬世之賊臣  
也孟在傍甚忿直前云丞相上疏欲見殺何爲不殺取師孟  
子謂汝叔姪皆降北不族滅汝是本朝之失刑也更敢有面  
皮來做朝士子實恨不殺汝叔姪汝叔姪能殺我我爲大宋  
忠臣正是汝叔姪周全我我又不怕孟語塞諸酋皆失色動

顏峻都以告伯顏伯顏吐舌云文丞相心直口快男子心峻都閉云丞相罵得呂家好以此見諸酋亦不容之

不拚一死報封疆忍使湖山牧虎狼當日本爲妻子計而今何面見三光

虎頭牌子織金裳北面三年蟻夢長借問一門朱與紫江南幾世謝君王

泉鏡何堪共勸酬衣冠塗炭可勝羞袖中若有擊賊笏便使兇渠面血流

麟筆嚴於首惡書我將口舌擊奸諛雖非周勃安劉手不愧當

# 文信國公集

## 卷十三

指南錄

十

年產祿誅

信雲父

信世昌字雲父東平府人公子無忌之後常爲虜太常丞北方之儒也隸峻都峻都使之來伴予雲父知古今識道理可語中原遺黎甚惓惓於本朝頗輸情焉作詩見贈內兩句云宗廟有靈賢相出黔黎無害大皇明京師爲之傳誦雲父大意以爲高麗地方數千里昨喪其半遂稱藩大元喜其不拒并侵疆歸之今傳國如故大宋衣冠正統非高麗比北必不取無禮於吾社稷也雲父念本朝亦願望之辭

東魯遺黎老子孫  
南方心事北方身  
幾多江左腰金客  
便把君王作路人

信雲父好爲詩而辭極俚近一日問予詩法予因舉宮詞數章比興悠長意在言外雲父恍有所得明日袖出一絕云東風吹落花殘英猶戀枝莫怨東風惡花有再開時予之不  
忘王室而王室之必中興也雲甫居近闕里漸染孔氏之遺風故其用意深厚而超悟如此

肯從悟室課兒書  
嚙雪風流卻減渠  
我愛信陵冠帶意  
任教句法問何如

文信國公集

卷十三

指南錄

則堂

北入京城賈餘慶  
相逢賣國旣令學士降  
詔俾天下州郡  
附之又各州付一省  
劄惟樞密則堂家先生  
鉉翁於省劄上不肯  
押號吳丞相堅號老儒  
不能自持一切惟賈餘慶之命其愧則堂甚矣程鵬飛見則堂不肯奉命堂中作色欲縛之去則堂云中書省無縛執政之理歸私廳以待執北竟不敢誰何予在北以忠義孤立聞其事以自壯云

山河四塞舊甌金  
藝祖高宗實鑒臨  
一日盡將輸敵手  
何人賣國獨甘心

中書堂帖下諸城搖首庭中號獨清此後方知樞密事從今北地轉和驚

思蒲塘 陳

揚旌來冉冉捲旆去堂堂恨我飛無翼思君濟有航麒麟還共處熊虎已何鄉南國應無恙中興事會長

思方將軍

始興溪子下江淮曾為東南再造來如虎如熊今固在將軍何處上金臺

峻都

文信國公集卷十三

指南錄

三

峻都為子言大元將興學校立科舉丞相在大宋為狀元宰相今為大元宰相無疑丞相常說國存與存國亡與亡這是男子心天下一統做大元宰相是甚次第國亡與亡四箇字休道予哭而拒之峻都常恐予之伏死節也

虎牌璫笠號公卿不直人間一唾輕但願扶桑紅日上江南匹士死猶榮

二王

峻都忙右互一日問度宗幾子答曰三子問皇帝是第幾子答曰第二子立嫡也問第一子三子封王乎曰一吉王一信

王問今何在曰大臣護之去矣駭云去何處曰非關則廣宋疆土萬里儘有世界在云旣是一家何必遠去曰何爲恁地說宗廟社稷所關豈是細事北朝若待皇帝好則二王爲人臣若待皇帝不是卽便別有皇帝出來二酋爲之愕胎不能對

一馬渡江開晉土五龍夾日復唐天內家苗裔真隆準虜運從來無百年

氣槩

陵都一日問予何以去平江予曰有詔趣入衛問予兵若干

文信國公集

卷十三

指南錄

三

予對五萬人喟然歎曰天也使丞相在平江必不降予問何以知之云相公氣槩如何肯降但累城內百姓予謂果厮打亦未見輸贏陵都大笑

氣槩如虹俺得知留吳那肯豎降旗北人不解欺心語正恐南人作淺窺

使北

北兵入城旣劫詔書布告天下州郡各使歸附又逼天子拜表獻土左丞相吳堅右丞相賈餘慶樞密使謝堂參政冢鉉翁同知劉岳五人奉表北庭號祈請使賈幸國難自詭北人

氣鬱不可向邇謝無識附和老儒畏怯不能爭劉狎邪小人方乘時取美官揚揚自得惟家公非願從者猶以爲趙祈請意北主或可語冀一見陳說爲國家存一綫故引決所未忍也五人之行皆出北意吳初以老病求免且已許之故表中所述賈謝家劉四人吳不與焉二月初八日四人登舟忽伯顏趣予與吳丞相俱入北予不在使者列是行何爲蓋驅逐之使去耳予陷在難中無計自脫初九日與吳丞相同被逼脇黽勉就船先一夕予作家書處置家事擬冀日定行止行則引決不爲偷生及見吳丞相家參政吳殊無殉國之意家則以爲死傷勇祈而不許死未爲晚予以是徘徊隱忍猶冀一日有以報國惟是賈餘慶兇狡殘忍出於天性密告伯顏使啟北庭拘予於沙漠彼則賣國佞北自謂使畢卽歸思不可言也謝堂已宿謝村初九日忽駕舟而回或謂峻都爲之地伯顏得賄而免堂曲意奉北可鄙惡尤多詩記其事

自說家鄉古相州白麻風旨出狂會中書盡出除元表北渡黃

河衣錦游

賈

至尊馳表獻燕城肉食那知以死爭當代老儒居首揆殿前陪

拜率公卿

吳

文信國公集

卷十三

指南錄

十四

江南浪子是伺官只當空廬雜劇看撥取公卿如糞土沐猴徒  
白辱衣冠劉

公子方張奉使旗行行且尼復何為似聞傾盡黃金塢辛苦平

生只為誰謝

正諍堂堂負直聲飄零沙漠若為情程嬰存趙真公志賴有忠

良壯此行家

初修降表我無名不是隨班拜舞人誰遣附庸祈請使要教朔

虜識忠臣

客子漂搖萬里程北征情味似南征小臣事王甯無罪只作幽

文信國集

卷十三

指南錄

五

州謫吏

使旆書有回期獨陷羈臣去牧蕪中爾舍沙渾小事白雲飛

處楚元

卷之

杜如閣

天台杜許字貴卿號梅壑糾合四千人欲救王室當國者不

知省正月十三日見予於西湖上予嘉其有志頗獎異之十

九日客贊予使北梅壑斷斷不可客逐之去予果為北所留

後二十日躡子北行諸客皆散梅壑憐子孤苦慨然相從天



下義士也朝旨特改宣教郎除禮兵架閣文字

仗節辭王室悠悠萬里轅諸君皆雨別一士獨星言啼鳥亂人意落花銷客魂東坡愛巢谷頗恨晚登門

又

昔趨魏公子今寧霍將軍世態炎涼甚交情貴賤分黃沙揚暮靄黑海起朝氛獨與君攜手行吟看白雲

聞雞

自入北營未嘗有雞唱因泊謝村始有聞是夜幾與梅壑逃去二更遣劉百戶二三十人擁一舟來逼下船遂不果

文信國公集

卷十三

指南錄

六

軍中二十日此夕始聞雞塵暗天街靜沙長海路迷銅駝隨雨落鐵騎向風嘶曉起呼詹尹何時脫蓑藜

命裏

二月初十夜爲劉百戶者所迫中原人尙可告語也賈餘慶語鐵木兒曰文丞相心腸別翼日早鐵木兒自駕一舟來令命裏千戶粹子上船凶醜嚇人見者莫不流涕命裏高鼻而深目面毛而多鬚回回人也

熊羆十萬建行臺單騎誰教免胄來一日捉將沙漠去遭逢碧

眼老回回

留遠亭

十一日宿處岸上有留遠亭北人然火亭前聚諸公列坐行酒賈餘慶有名風子滿口罵坐毀本朝人物無遺者以此獻佞北惟齊疊笑劉岳數奉以淫褻爲北所薄文煥云國家將亡生出此等人物予聞之悲憤不已及是諸酋專以爲笑具於舟中取一村婦至亭中使薦劉寢據劉之交坐諸酋又嗾婦抱劉以爲戲衣冠掃地殊不可忍則堂尤憤疾云

甘心賣國罪滔天酒後猖狂詐作顛把酒逢迎酋虜笑從頭罵坐數時賢賈

文信國公集

卷十三

指南錄

七

落得稱呼浪子劉樽前百媚佞旒裘當年鮑老不如此留遠亭前犬也羞劉

平江府

予過吳門感念悽愴向使朝命不令人衛嚴速予以死守不死於是卽至今存可也予託病卧舟中舊吏三五人來遺民聞吾經過無不垂涕者舟到一時頃卽解纜夜行九十里北似防我云

樓臺俯舟楫城郭滿干戈故吏歸心少遺民出涕多鳩居無鵲在魚網有鴻過使遂睢陽志安危今若何

無錫

己未予攜弟壁赴廷對嘗從長江入襄河趨京口回首十八年復由此路是行驅之入北感今懷昔悲不自勝

金山冉冉波濤雨錫水泯泯草木春二十年前曾去路三千里外作行人英雄未死心爲碎父老相逢鼻欲辛夜讀程嬰存趙事一回惆悵一沾巾

弔五木

予初以朝廷遣張全將淮兵二千救常州以其爲淮將必經厯老成遂遣朱華將三千人從之張全無統馭之材自爲畦

文信國公集

卷十三

指南錄

支

町十月二十六日提淮軍自往橫林設伏虞橋北兵至麻土龍死之張全不救走回五木五木乃朱華軍所駐如掘溝塹設鹿角張全皆不許朱華措置殊不曉其意二十七日北兵薄朱華自辰至未朱華與廣軍與之對北兵自路塘直來死於水者不可勝計至晚北兵繞山後薄贛軍尹玉當之會全胡遇謝雲會玉先遁走尹玉死焉張提軍隔岸不發一矢有利災樂禍之心吾軍渡水挽張全軍船張全令諸軍斷挽船者之指於是溺死者甚衆張全并竹遁惟尹玉殘軍五百人與北兵角一夕殺北兵及馬委積田間質明止有四人得歸

無一人降者嗚呼使此戰張全稍施  
援手可以大勝捷一夫  
無意而事遂關宗社嗚呼天哉余初  
欲先斬張全然後取一  
時敗將並從軍法以張全爲朝廷所  
遣請於都督乃宥張全  
使自贖予遂不及行法後詣餘杭發  
京師姑取曾全以狗衆  
而墜臍多矣過五木弔戰場爲之流  
涕不可禦續聞張全者  
淮東之債將也昨隨許文德復清河  
兵已入城張全鳴金散  
衆許不敢以斬將自專解赴制閫李  
公以使過期之得不死  
予不知受其誤其免罪又出於第二  
次僥倖卒爲降北可歎

恨云

文信國公集

卷十三

指南錄

五

首赴勤王役成功事則天富平名委地  
好水淚成川我作招魂  
想誰爲掩骼緣中興須再舉寄語慰重  
泉

哭尹玉

尹玉江西憲司將官五木之戰手殺  
七八十人其麾下與北  
兵戰併死無一降者朝廷贈濠州團  
練使立廟與二子官承  
節郎下江西安撫使撥賜良田二百  
畝其間以捕寇死者何  
限惟玉得其死所恤典非細哀榮備  
焉

黃到墓前

團練濠州廟贛川官其二子賜良田西  
臺捕逐多亡將還有焚

常州

常州宋睢陽郡也北兵憤其堅守殺致無遺種死者忠義之鬼哀哉

山河千里在煙火一家無壯甚睢陽守免哉馬邑屠蒼天如可

問赤子果何辜屠齒提封舊撫膺三歎吁

鎮江

至京口予以十八年曾自鎮江趨京今自京趨鎮江俯仰感

歎為之流涕

鐵甕山河舊金甌宇宙非昔隨西日主今見北軍飛豪傑非無

文信國公集

卷十三

指南錄

三

志功名自有機中流懷士雅風雨溼雙屣

渡瓜洲

諸祈請使十八日至鎮江府阿木在瓜洲即請十九日渡江

至則鮮腆倨傲令人裂眦諸公皆與之語子始終無言後得

之監守者云阿木言文丞相不語肚裏有倭儼彼知吾不心

服也

跨江半壁閱千帆虎在深山龍在潭當日本為南制北如今翻

被北持南

眼前風景異山河無奈諸君笑語何坐上有人正愁絕胡兒使

道是僂儻

弔戰場

連年淮水上死者亂如麻魂魄邱中土英雄糞上花士知忠厥  
主人亦念其家夷德無厭甚皇天定福華

回京口

予回京口幸得間問舟爲脫去計連日不如志賦是詩

早作田文去終無蘇武留偷生甯伏劍忍死欲焚舟逸驥思超  
乘飛鷹志脫鞴登樓望江上日日數行艘

思小村

劉

文信國公集

卷十三

指南錄

五

春雲慘慘兮春水漫漫思我故人兮行路難君轅以南兮我轅  
以北去日以遠兮憂不可以終極蹇予馬兮江皋式燕兮以遊  
邀念我平生兮思君鬱陶在師中兮豈造次之可離忠言不聞  
兮思君怛怛毫釐之差兮天壤易位駟不及舌兮臍不可噬思  
我故人兮懷我親懷我親兮思故人懷哉懷哉不可忍兮不加  
速死慨百年之未半兮故中道而造止魯連子兮義不帝秦負  
元德兮羽不名爲人委骨草莽兮時迺天命自古孰無死兮首  
邱爲正我行我行兮夢寐所思故人望我兮胡不歸胡不歸

沈頤家

予回京口北人款之府中子不得離岸止得沈頤家坐卧北  
不意予爲逃計也

孤舟霜月迥曉起入柴門斷岸行簪影荒畦落履痕江山渾在  
眼宇宙付無言昨夜三更夢春風滿故園

卷之三

脫京口

二月二十九日夜予自京口城中間道出江漕登舟泝金山  
走真州其艱難萬狀各以詩記之

定計難

文信國公集

卷十三

指南錄

三

予在京城外日夜謀脫不得間者謝村幾去至平江欲逃又  
不果至鎮江謀益急議趨真州杜架閣與予云事集萬萬幸不幸  
慶實與謀元慶真州人也杜架閣與予云事集萬萬幸不幸  
謀泄皆當死死有怨乎予指心自誓云死靡悔且辦七首挾  
以俱事不濟自殺杜架閣亦請以死自効於計遂定

南北人人苦泣歧壯心萬折誓東歸若非斫案判生死夜半何  
人敢突圍

小謀人難

杜架閣如顛狂人醉游於市遇有言本朝而感憤追思者卽

捐金與之密告以欲遁之謀無不願自効以無舟而輟前後  
毋慮十數其不謀泄真幸耳

一片歸心似亂雲逢人時漏話三分當時若也私謀泄春夢悠  
悠郭璞墳

踏路難

京口無城通衢多隘去江向十里偶得一老校馬引問道出  
三數巷卽荒涼野走至江岸路頗近若使不知問道只行市  
井正路無可出之理

煙火連營鐵饗關要尋問道走江干何人肯爲將軍地北府老

文信國公集

卷十三

指兩錄

三

兵思漢官

得船難

北船滿江百姓無一舟可問杜架閣與人爲謀皆以無船且  
歎而止是後余元慶遇其故舊爲北管船遂密叩之許以承  
宣使銀千兩其人云吾爲宋救得一丞相回建大功業何以  
錢爲但求批帖爲他口趨承之證後授以一批帖約除廩專  
及強委之白金義人哉使吾無此一遭遇已矣

經營十日苦無舟慘慘椎心淚血流漁父疑爲神物遣相逢楊  
子大江頭



給北難

自至鎮江卽謀船不可得至二月二十九日方得之喜甚是  
午催過瓜洲賈餘慶諸人皆渡矣惟予與吳丞相在河次得  
報最遲於是託故以來日同吳丞相渡江幸而北不見疑驅  
迫稍緩是夕遂逃若非得此一給從前經營皆枉用心惟有  
死耳豈不痛哉

百計經營夜負舟倉皇誰趣渡瓜洲若非給虜成宵遁哭死界  
河天地愁

定變難

文信國公集

卷十三

指南錄

音

老兵卽踏路之人杜架閣日與之飲顏情甚狎是夜逃者十  
二人二人坐舟猶有十人作一陣走恐出門大冗則事易知  
覺路必過老兵之門於是遣三人先就老兵家伺過門同遁  
忽老兵中變醉不省其妻詰問之欲喚四鄰發覺一人亟走  
報杜架閣亟呼老兵出來直至吾前藏之帳中三人者同時  
而回老兵酒醒以銀三百星係其腰云事至與之遂至三更  
引路而行是舉垂成幾爲老兵老嫗所誤全得杜架閣機警  
故徂詐之將作敵者又隨作使耳危哉危哉

老兵中變意差池倉卒呼來朽索危若使阿婆真一吼目生睛

後悔何追

出門難

北始款諸宰執於鎮江府惟吳丞相以病不離舟予爲遁計  
宿府治一夕卽託故還裏河舟中北亦不之疑予遂於河近  
得沈頤家坐卧初北奔遣諸將監諸宰執從予者曰王千戶  
狠突可惡相隨上下不離頃刻予在沈頤家彼亦同卧席前  
後是夜予醉居亭主人復醉王千戶者伺其寢熟啟門而出  
使微有知覺吾事殆哉

羅利盈庭夜色寒人家燈火半闌珊夢回跳出鐵門限世上一

文信國公集

卷十三

指南錄

五

重人鬼關

出巷難

北遣兵齟巷禁夜不得往來先是一酋忽入沈頤家予問  
何人劉百戶問何職管夜蒸問官勾當何如曰官燈提照往  
來從便杜架閣聞之卽隨劉百戶出強與之好已而約爲兄  
弟拉之飲於妓舍杜亦劉相劉俾杜歡杜云我隨丞相在此  
夜安置後方可出怕禁夜耳劉云俺送爾燈送小番隨着不  
妨事杜遂約後遁果如約予變服色隨杜出諸巷皆不呵問  
杜至人家漸盡處卽以銀與小番約之便歸來日候於某所

小番方五六歲無知於是得返

不時徇舖路縱橫小隊戎衣自出城天假漢兒燈炬旁人只道是官行

出隘難

北於市井盡處設險以十餘馬攔路子等至隘所馬驚意甚恐幸北軍皆睡因得脫

袖攜匕首學啣枚橫渡城關馬欲猜夜靜天昏人影散北軍鼾睡正如雷

候船難

文信國公集

卷十三

指南錄

三

予先遣二校坐舟中密約待予甘露寺下及至船不知所在意窘甚交謂船已失約奈何予攜匕首不忍自殘甚不得已有投水耳余元慶裹裳涉水尋一二里許方得船至各稽首以更生爲賀

待船三五立江干眼欲穿時夜漸闌若使長年期不至江流便作汨羅看

上江難

予旣登舟意泝流直上他無事矣乃不知江岸皆北船連亘數十里鳴榔唱更氣燄甚盛吾船不得已皆從北船邊經過

幸而無問者至七里江忽有巡者喝云是何船梢答以河鮑船巡者大哂云乃船歹者此以是名反側奸細之稱也者欲經船前適潮退閣淺不能至是時舟中皆流汗其不來僥倖

耳

蒙衝兩岸夾川鼠伏孤蓬棹向前七里江邊驚一喝天教潮

退閣心船

得風難

予方為七里巡船所驚忽有聲如人隋齒甚清麗船梢立船

頭拜且禱曰補道來送問何神曰江河田相公也即得順風

文信國公集

卷十三 指南錄

三

送上

空中哨響到孤蓬盡道江河田相公神物自來扶正直中流半

夜一帆風

望城難

初得順風意五更可達真州城下風良久遂靜天明尚隔真

州二十餘里深恐北船自後追躡又懼有哨騎在淮岸一時

憂迫不可言在舟之人盡力搖槳撐篙可牽處沿岸拽纜然

心急而力不逮既望見城又不克進甚矣脫虎口之難

自來百里半九十望見城頭路愈長薄命只愁道者主人搖

樂渡滄浪

上岸難

真州濠與江通然潮長舟方可到城是日泊五里遂上岸城外荒涼寂無人影四平如掌一無關防幸而及城門無他慮當行路時盼盼回首惟恐有追騎之猝至雙入城門聞昨日早晨哨馬正到五里頭時三月朔云

岸行五里入真州外荒涼鬼也愁忽聽路人馬到江頭

入城難

文信國公集

卷

指南

庚

既至真州城下告羣臣以文丞相在鎮江走脫徑來投

奔城子諸將校入城南守迎見語國事移時感憤

流涕卽款之州治中任清邊堂然後從者始至也引至直司

搜身上軍器既知無他然後見信其關防之嚴密如此向使

恐疑橫於胸中閉門不與天地茫茫何所歸噫危哉

輕身漂泊入鑿江太守欣然爲避室若使閉城呼不應人間生

死路茫茫

真州雜賦

予既脫虎口至真州喜幸感歎靡所不有保之以七言自

正月二十羈縻北營至二月二十九一夜京口得脫首尾恰  
四十日一入真州忽見中國衣冠如流浪人午歸故鄉不意  
重觀天日至此

四十義娥落虎狼今朝騎馬入真陽山川莫道非吾土一見衣  
冠是故鄉

予入真州聚觀者夾道如堵東坡云被天津橋上人看殺久  
無此境界矣

聚觀夾道捲紅樓奪得南朝一狀頭將謂燕人騎屋看而今馬  
首向真州

文信國公集

卷十三

指南錄

完

京口船與梢入北人皆有籍予所得船乃並緣北船販私鹽  
者船與二水手皆籍所不及予是以得濟豈非天哉

賣卻私鹽一舸回天教壯士果安排子胥流向江南去我獨倉  
皇夜走滬

子以夜遁北人來早方覺而吾已在汶上矣

便把長江作界河負舟半夜泝煙波明朝方覺田文去追騎如  
雲可奈何

子逃之明日北人大索民間累南人甚多然予逝矣不可得  
矣

十二男兒夜出關曉來到處  
披南冠博浪力士猶難覓  
張良更足難

三月朔旦予在真州城內  
賈餘慶在瓜洲皆淮境也而南北  
分焉哀哉

我作朱金沙上游諸君冠蓋  
渡瓜洲淮雲一片不相隔南北死  
生分路頭

諸宰執自京城陷後無復  
遠畧北人之驅去皆俯首從之莫  
有謀自拔者予犯死逃歸萬一有及國事志亦烈矣

公卿北去共低眉世事興亡付不知  
不是謀歸全趙璧東南那

文信國公集

卷十三

指南錄

三

簡是男兒

天下趙

予至真苗守再成爲予言近有樵人破一樹樹中有生成三字  
字曰天下趙亟取木視之果然木一丈三尺圍其字青而深  
半樹露揭州半樹留青州三字瞭然不可磨也以此知我朝  
中興天必將全復故疆真州號迎鑾藝祖發迹於此非在天  
之靈所爲乎

皇王著姓復次圖此是中興受命符獨向迎鑾呈瑞字爲言藝  
祖有靈無

議糾合兩淮復興

予至真州守將苗再成不知朝信於是數月矣問予京師事  
慷慨激烈不覺流涕已而諸將校諸幕皆來俱憤北不自堪  
兩淮兵力足以復興惜天使李公怯不敢進而夏老與淮東  
薄有嫌隙不得合從得丞相來通兩淮脈絡不出一月連兵  
大舉先去北巢之在淮者江南可傳檄定也予問苗守計安  
出苗云先約夏老以兵出江邊如向建康之狀以牽制之此  
則以通秦軍義打灣頭以高郵淮安寶應軍義打楊子橋以  
揚州大軍向瓜洲某與趙刺史孟錦以舟師直擣鎮江並同

文信國公集

卷十三

指南錄

三

日舉北不能相救灣頭楊子橋皆沿江脆兵守之且怨北王  
師至卽下聚而攻瓜洲之三面再成則自江中一面薄之雖  
有智者不能爲之謀此策旣就然後淮東軍至京口淮西軍  
入金城北在兩浙無路得出虜帥可生致也予喜不自制不  
圖中興機會在此卽作李公書次作夏老書苗各以覆帖副  
之又欲予致書戎帥及諸郡并白此意予已作朱渙姜才蒙  
亨等書諸郡將以次發時與議者皆踴躍有謂李不能自拔  
者又有謂朱渙姜才各做起來李不自由者又有謂李恨不  
得脫重負何幸有重臣輔之予旣遣書盼盼焉望報天之欲



平治天下則吾言庶幾不朽鑿乎

清邊堂上老將軍南望天家雨溼巾爲道兩淮兵定出相公同  
作歌盟人

揚州兵了約廬州某向瓜洲某鷺州直下南徐侯自管皇親刺  
史統千舟

南入空歸唐壘陷包胥一出楚疆還而今廟社存亡決只看元  
戎進退間

出真州

予旣爲李制所逐出真州艱難萬狀不可殫記痛哉 予至

文信國公集

卷十三

北山錄

三

真州第三日苗守約云早食後看城子予欣然諾之有頃陸  
都統來導予至小西門城上閑看未幾王都統至迤邐出城  
外王忽云有人在揚州供得丞相不好出制司小引視之乃  
脫回人供北中所見云有一丞相差往真州賺城王執右語  
不使予見予方歎惋間二都統忽鞭馬入城小西門閉矣不  
復得入徬徨城外不知死所

早約戎裝去看城聯鑣濠上歎風塵誰知關出西門外憔悴世  
間無告人

制使遣一提舉官至真州疑予爲北用苗守貳於予云決無

宰相得脫之理縱得脫亦無十二人得同來之理何不以矢石擊之乃開城門放之使入意使苜守殺予以自明哀哉揚州昨夜有人來誤把忠良按劍猜怪道使君無見解城門前日不應開

制使欲殺我苜守不能敵將信將疑而憐之之意多也

瓊花堂上意茫然志士忠臣淚徹泉賴有使君知義者人言欲殺我猶憐

予幸脫身至真州卽議糾帥兩淮以圖恢復制使乃疑予爲北用欲見殺江南與北中皆知予爲忠義而兩淮不予信子

# 文信國公集

## 卷十三

指南錄

壹

平生仕宦聲迹比比不會至淮天地茫茫與誰語哉

秦庭痛哭血成川翻訝中行背可鞭南北共知忠義苦平生只少兩淮緣

予少時曾遊真州至是十八年矣初望糾合復興爲國家辦大事乃不爲制臣所容天乎哀哉

一別迎鑾十八秋重來意氣落旄頭平山老子不收拾南望端

門

始 正小引備脫回人朱七二等供云有一丞相往真州

賺 北有智數見予逃後遣人詐入揚州供吐以行

反間既而思之揚州遣提舉官來真州見害乃三月初二日  
午前發予以二月晦夕逃朔旦北方覺然不知走何處是日  
便遣人許入揚州殆無此理看來只是吾書與苗守覆帖初  
二日早到制使不暇深省一概以爲奸細而欲殺之哀哉何  
不審之甚乎

天地沉沉夜泝舟鬼神未覺走何州明朝遣問應無是莫恐元  
戎逐客不

予在門外久之忽有二人來曰義兵頭目張路分徐路分也  
予告以故二人云安撫傳語差某一人來送看相公去那裏

文信國公集

卷十三

指南錄

三

予云必不得已惟有去揚州見李相公路分云安撫謂淮東  
不可往予謂夏老素不識且淮西無歸路予委命於天只往  
揚州二路分云且行且行良久有五十人弓箭刀劍來隨二  
路分騎馬以二馬從予與杜架閣連轡而發

人人爭勸走淮西莫犯翁翁按劍疑我問平山堂下路忠臣見  
謂有天知

予在小西門外皇皇無告同行杜架閣仰天呼號幾赴濠死  
從者皆無人色莫知所爲予進不得入城城外不測有兵露  
立荒迥又乏飲食予心自念豈予死於是乎爲之踟躕心膺

如割後得二路分送行苗守又遣衣被包複等來還遂之揚州是日上巳日也

千金犯險脫旃裘誰料南冠反見讐記取小西門外事年年上巳哭江頭

二路分引予行數里猶望見真州城五十兵忽拔刀於野駐足不行予自後至二路分請下馬云有事商量景色可駭予下馬問云商量何事云行幾步行稍遠又云且坐且坐予意其殺我於此矣與之立談二路分云今日之事非苗安撫意乃制使遣人欲殺丞相安撫不忍加害故遣某二人來送行

文信國公集

卷十三

指南錄

五

今欲何往予云只往揚州更何往彼云揚州殺丞相奈何曰莫管信命去二路分云安撫令送往淮西予云淮西對建康太平池州江州皆北所在無路可歸只欲見李制使若能信我尚欲連兵以圖恢復否則卽從通州路遵海還關二路分云李制使已不容不如只在諸山寨中少避予云做什麼合煞生則生死則死決於揚州城下耳二路分云安撫見辦船在岸下丞相從江行或歸南歸北皆可予驚曰是何言歟如此則安撫亦疑我矣二路分見予辭真確乃云安撫亦疑信之間令某二人便宜從事某見相公簡怎麼人口口是忠

臣某如何敢殺相公既真驚天動地等語某等部送去乃知當守亦至張不過實使三路分與子語言趣向而後爲之處使一時應酬不當被害原野誰復知之痛哉時舉所攜銀一百五十兩與五十兵且許以平揚州又以十兩二路分則許以分賜金百兩遂行

荒郊下馬問何之死活原來存便官不是白兵生眼孔一團血有誰知

二路分既信子忠義與子中路真州備判司行下有安民榜云文相公已從小西門外押出州界去訖爲之嗟歎不已

### 文信國公集

#### 卷十三

指南錄

美

嗚呼予之不幸乃至於斯其不死於兵豈非天哉

戎衣嘖嘖歎忠臣爲說賊頭不識人押出相公州界去真州城裏榜安民

杜架閣幾赴濠以救免一行人皆謂當死於真州城下矣後得二路分送行惟恐有北哨追之危哉危哉

有客倉皇欲赴濠一行性命等鴻毛白兵送我揚州去惟恐北軍來捉逃

二路分所引路乃淮西路既見子堅欲往揚州遂復取揚州路時天色漸晚張弓挾矢一路甚憂疑指某處瓜洲也又前

某處揚子橋也出距不遠既暮所行皆北境惟恐北遣人伏  
路上寂如啣枚使所過北有數騎在焉吾等不可逃矣

瓜洲相望隔山椒煙樹光中揚子橋夜靜啣枚莫輕語草間惟  
恐有鷓鴣

是日行至暮二路分先辭只留二十人送揚州二十人者又  
行十數里勒取白金亦辭去不可挽揚州有販鬻者以馬載  
物夜竊行於途曰馬塚子二十人者但令隨馬塚子卽至揚  
州西門子一行如盲悵悵然行嗚呼客路之危難如此

眞州送騎已回城暗裏依隨馬塚行一陣西州三十里摘星樓

文信國公集

卷十三

指南錄

三

下打初更

予至揚州城下進退維谷其徬徨狼狽之狀以詩志其槩予  
夜行啣枚至揚州西門憊甚有三十郎廟僅存牆階屋無矣  
一行人皆枕藉於地時已三鼓風寒露溼悽苦不可道

此廟何神三十郎閭郎行客忒琅瑯荒階枕藉無人問風露滿  
堂清夜長

揚州城中打四更一行人遂入近城西門坐漫地上候啟門  
者無慮百數坡上問何人從他人應答予等不敢語恐聲音  
不同卽眼生隨後

譙鼓寥寥入四更行行三五入西城隔濠喝問無人應怕恐人來捉眼生

子出眞州實無所往不得已趨揚州猶冀制臣之或見諒也既至城下風露淒然聞鼓角有殺伐聲徬徨無以處

悵悵乾坤靡所之平山風露夜何其翁翁豈有甘心事何故高樓鼓角悲

制臣之命眞州也欲見殺若叩揚州門恐以矢石相加城外去揚子橋甚近不測又有哨進退不可

城上兜鍪按劍看四郊胡騎遠團團平生不解揚朱泣到此方

# 文信國公集

## 卷十三

指南錄

三

知進退難

杜架閣以爲制臣欲殺我不如早尋一所逃哨一日却夜趨高郵求至通州渡海歸江南或見二王伸報國之志徒死城下無益

吾戴吾頭向廣陵仰天無告可憐生爭如負命投東海猶會乘風近玉京

金路分謂出門便是哨五六百里而後至通州何以能達與其爲此受苦而死不如死於揚州城下不失爲死於南且猶意使臣之或者不殺也

海雲渺渺楚天曠滿庭胡塵不自山若使一朝俘上去不如制  
命死揚州

予方未知所進退余元慶引一賣柴人至云相公有福相公  
有福問能導至高沙否曰能曰何處可暫避一日曰儂家可  
曰此去幾里曰二三十里有哨否曰數日不一至曰今日  
哨至如何曰看福如何耳

路傍邂逅賣柴人爲說高沙可問津此去儂家三十里山坳聊  
可避風塵

予從金之說恐制臣見殺從杜之說恐北騎見捕莫知所決

文信國公集

卷十三

指南錄

五

時曉色漸分去數步則金一邊來牽住回數步則杜一邊又  
來拖行事之難從違未有如此之甚者

且行且止正依違髣髴長空曙影微從者倉皇心緒急各持議  
論泣牽衣

同行通十二人行止未決余元慶李茂吳亮蕭發遽生叛心  
所懷白金各一百五十星上下竟攜以走

問誰攫去橐中金僮僕雙雙不可尋折節從今交國士死生一  
片歲寒心

予危急中隨行四人皆負而逃外旣頭躋內又餓困行數十



步喘甚不能進倒荒草中扶起又行如此數十而天曉矣  
顛崖一陷落千尋奴僕偏生負王心饑火相煎疲欲絕滿山荒  
草曉沉沉

予不得已去揚州城下隨賣柴人趨其家而天色漸明行不  
能進至十五里頭半山有土圍一所舊是民居毀蕩之餘無  
椽瓦其間馬糞堆積時惟恐北有望高者見一隊人行卽來  
追逐只得入此土圍中暫避爲謀拙甚聽死生於天矣

戴星欲赴野人家曙色紛紛路愈賒倉卒只從山半任頽垣上  
有白雲遮

文信國公集

卷十三

指南錄

四

旣入土圍中四山闐然無一人影時無米可飯有米亦無煙  
火可炊懷金無救也哀哉

路逢敗屋作雞棲白屋荒荒鬼哭悲袖有金錢無米糶假曉有  
米亦無炊

土圍糞穢不可避但掃淨數尺地以所攜衣服貼襯地面睡  
起復坐坐起復睡日長難過情緒奄奄哀哉

掃退蜣螂枕敗牆一朝何止九迴腸睡餘捫虱沉沉坐偏覺人  
間白晝長

北法惟午前出哨午後各歸若是日起捱至午後懽曰今日

得命矣忽聞人聲喧啾甚自壁窺之乃北騎數千自東而西於是追咎不死於揚州城下而被捉於此苦矣苦矣時大風忽起黑雲暴興數點微雨下山色昏冥若有神功求救助也飄零無緒歎途窮搔首踟躕日已中何處人聲似潮泝黑雲驟起滿山風

數千騎隨山而行正從土圍後過一行人無復人色傍壁深坐恐門外得見若一騎入來卽無噍類矣時門前馬足與箭筒之聲歷落在耳只隔一壁幸而風雨大作騎只徑去危哉危哉哀哉哀哉

文信國公集

卷十三

指南錄

十一

晝闌萬騎忽東行鼠伏荒村命羽輕隔壁但聞風雨過人人顧影賀更生

予與杜架閣及金應張慶夏仲呂武王青鄒捷共八人在土圍中時已過午謂哨不來山下一里有古廟廟中有丐婦居之廟前有井遂遣呂武鄒捷下山汲水意或可以得米菜少救饑餓不料哨至二人首被獲二人解所腰白金近三百兩悉以與之北受金得不殺及哨過二人方回相向哀泣又幸性命之苟全

青衣山下汲荒泉道遇腥風走不前向晚歸來號且哭胡兒只

早從賣柴人行不能前遂至於土圍中約賣柴人入城糴米救性命云不奈何忍饑一日城中衙晡後方開門米至則黃昏矣是日北數百騎薄西城於是門不開賣柴人竟不得出予等饑窘失措又以土圍中露天不可睡臥於是下山投古廟中與丐婦同居焉

眼穿只候賣柴回今日堡城門不開糴米已無消息至黃昏惆悵下山來

既至廟中坐未定忽有人攜梃至良久三四人陸續來吾意

文信國公集

卷十三

指南錄

聖

不免矣乃知其人自城中來夜討柴來早入城赴賣無惡意也數人煮糲羹出其餘以遺我有未冠者一夕於庭中燒火照明諸樵亦不睡予等且困且睡是不可言

既投古廟覓藜羹三五樵夫不識名僮子似知予夢惡生柴燒火到天明

予等饑甚樵者飲食輒乞其餘破廟何所風露淒然僅存身猶不自保哀哉

苦作江頭乞食翁一層破廟五更風眼前境界身何許始悟人

而萬法空

予見諸樵夫幸而可與語告以患難厚許之使導往高沙賴其欣然見從謂此處不是高沙路方踞堡城北門賈家莊少駐一日卻爲入城糴米買肉以救兩日之饑又僱馬辦乾糧以備行役於是五更隨諸樵夫往焉時樵夫知予無聊又有所攜使萌不肖心得財豈不多於所許淮人依本分感激豈亦有天意行其間乎

樵夫偏念客途長肯向城中爲裹糧曉指高沙移處泊司徒廟下賈家莊

賈家莊

文信國公集

卷十三

指南錄

望

予初五日隨三樵夫黎明至賈家莊止土圍中卧近糞壤風露淒然時枵腹已經兩夕一日半懇三樵夫入城糴米買肉至午而得食是夜僱馬趨高沙

行邊無鳥雀卧處有腥臊露打鬚眉硬風搜賴頰高流離外顛浦饑渴肉煎熬多少偷生者孤臣歎所遭

揚州地分官

初五至晚地分官五騎咆哮而來揮刀欲擊人囚餓甚於北亟出濡沫方免毒手急令離地分去告以入城云入城必被殺幸而脫北方之難不意卧於我土地天地雖大無所容

身哀哉

五騎馳來號徼巡咆哮按劍一何嗔金錢買命方無語何必豺  
狼罵北人

便當縞素駕戎車畏賊何當畏虎如看取摘星樓咫尺可憐城  
下哭包胥

思則堂先生

初四日子在桂公塘北騎數千東行莫知其故賈家莊有樵  
夫云昨夜北營甘泉西去城四十里有白鬚老子設青采恩  
飯於救生寺竈前稱南朝相公問其何如曰面大而體肥以

文信國公集

卷十三

指南錄

聖四

意逆之則堂家先生也因知昨日北驅奉使北去與其所掠  
老小輜重偕行予雖不免顛踣道路較諸先生不以彼易此  
也先生嘗云某四十規行矩步今日乃有此厄流涕二十八  
字

白鬚老子宿招提香積廚邊供晚炊借問魚羹何處少北風安  
得似南枝

高沙道中

予雇騎夜趨高沙越四十里至板橋迷失道一夕行田畝中  
不知東西風露滿身人馬饑乏旦行霧中不相辨須臾四山

漸明忽隱隱見北騎道有竹林亟入避須臾二十餘騎遠林  
呼噪虞候張慶右眼內中一箭項二刀割其髻裸於地帳兵  
王青縛去杜架閣與金應林中被獲出所攜黃金賂邏者得  
免于藏處距杜架閣不遠北馬入林過吾傍三四皆不見不  
自意得全僕夫鄒捷卧叢篠下馬過踏其足流血總轄呂武  
親隨夏仲散避他所是役也予自分必死當其急時萬竅怒  
號雜亂人聲北倉卒不盡得疑有神明相之馬既去聞其育  
焚林之謀亟趨對山復尋叢篁以自蔽旣不識路又乏糧食  
人生窮蹙無以加此未幾呂武報北騎已還灣頭又知路邊

文信國公集

卷十三

指南錄

巽

鮎魚填傳聞不盡信然他無活策黽勉趨去僥倖萬一倉皇  
匍匐不能行先是自揚州來有引路三人牽馬三人至是或  
執或逃僅存其二二人出於無聊各操挺相隨有無禮之志  
逡巡行路無可奈何至晚西忽遇樵者數人如佛下降偶得  
一籬以繩維之坐於籬中僱六夫更迭負送馳至高郵城西  
天已曉不得渡常恐追騎之奄至也宿陳氏店以茅覆地忍  
饑而卧黎明過渡而心始安痛定思痛其涕如雨  
三月初五日索馬平山邊疾馳趨高沙如走坂上圓夜行二百  
里望望無人煙迷途呼不應如在盤中旋昏霧暝日溼怒颺狂

欲顛流淲在鬢髮塵沫滿囊鞵紅日高十丈方辨山與川胡行  
疾如鬼忽在林之巔誰家苦竹圍其葉青幾幾倉皇伏幽篠生  
死信天緣鐵騎俄四合鳥落無虛弦遠林勢奔軼動地聲喧闐  
霜蹄破叢翳出入相貫穿既無遁形術又非縮地僊猛虎驅羣  
羊兔魚落蹄筌一吏射中目頸血僅可濺一隸縛上馬無路脫  
糾纏一廝躡其足吞聲以自全一賓與一從買命得金錢一伴  
與一校幸不逢戈鋌嗟予何薄命寄身空且懸蕭蕭數竹側行  
來度飛鷲遊鋒幾及膚怒興空握拳跬步偶不見殘息忽復延  
當其蹙迫時大風起四邊意者相其開神物來蜿蜒更生不自

文信國公集

卷十三

指南錄

吳

意如病乍得痊須臾傳火攻然眉復相煎一行輒一跌奔命度  
平田幽篁便白託仰天坐且眼睛曦正當晝焦腸火生咽斷嚙  
汲勺水天降甘露鮮青山爲我屋白雲爲我椽彼草何荒荒彼  
水何游游首陽旣無食陰陵不可前便如失目魚一似無足虻  
不見道傍骨委積有萬千魂魄親蠅蚋膏脂飽烏爲使我先朝  
露其事亦復然丈夫竟如此吁嗟彼蒼天古人擇所安肯蹈不  
測淵奈何以遺體糞土同棄捐初學蘇子卿終慕魯仲連爲我  
王室故持此金石堅自古皆有死義不污腥羶求仁而得仁甯  
怨溝壑填秦客載張祿吳人納伍員季布走在魯樊期託於燕

國士急人病，倜儻何拘攣。彼人莫我知，此恨付重泉。鵲聲從何來，忽有吉語傳。此去三五里，古道方平平。行人漸復出，胡馬覺已還。回首下山阿，七人相牽連。東野徧已窮，而復加之鞭。踣足如移山，攜持姑勉旃。行行重狼顧，常恐追騎先。揚州二游手，面目輕且儂。自言同脫虜，波波口流涎。白日各持梃，其來何翩翩。奴輩殊無聊，似欲爲鷹鷂。逡巡不得避，默默同寒蟬。道逢採樵子，中流得舟船。竹籬當安車，六夫共頽肩。四肢與百骸，屈曲如柘捲。路人心爲惻，從者皆涕漣。星奔不可止，暮遠城西汧。饑卧野人廬，藉草爲鍼氈。詰朝從東渡，始覺安且便。人生豈無難，此難何連遭。重險復重險，今年定何年。聖世甚岱嶽，皇風扇垓埏。中興奮王業，日月光重宣。報國臣有志，悔在不可湔。臣苦不如死，一死尙可憐。堂上太夫人，鬢髮今猶玄。江南昔卜宅，嶺右今受廛。首邱義皇皇，倚門望惓惓。波濤避江介，風雨行淮堧。北海轉萬折，南洋泝孤鷲。周游大夫蠡，放浪太史遷。儻復游吾盤，終當畊我繇。夫人生於世，致命各有權。慷慨爲烈士，從容爲聖賢。稽首朝南拜，著此泣血篇。百年尙哀痛，敢謂事已過。

文信國公集

卷十三

指南錄

望

北以高郵米擔濟維揚，故自灣頭夜遣騎。截諸津，鮎魚填其  
一予是夜若非迷途四更可達埧所當一網無遺乃知一夕



倉皇失道亦若有鬼神鼓動於其間顛沛之餘雖幸不死何辜至此極也

至高沙

予倉皇至高沙驚魂靡定回思初四土圍中初二竹林裏幾死於是便果不免委骨草莽誰復知之

江南自好築金臺何事風花墮向淮若使兩遭豺虎手而今玉也有誰埋

予至高沙奸細之禁甚嚴時予以籬爲轎見者憐之又張慶血流滿面衣衫皆污人皆知其爲遇北不復以奸細疑然聞

文信國公集

卷十三

指南錄

吳

制使有文字報諸郡有以丞相來賺城令覺察關防於是不敢入城急買舟去

發高沙

曉發高沙卧一航平沙漠漠水茫茫舟人爲指荒煙岸南北今年幾戰場

平淮千里莽爲邱墟自出高沙滿空早曠高郵水曲灣頭通下海陵入射陽過漣水皆其路也二月六日城子河一戰我師大捷人言某處是戰場

城子河邊委亂尸河陰血肉更稀微太行南北燕山外多少遊

魂逐馬蹄

自至城子河積尸盈野水中流尸無數臭穢不可當上下幾  
二十里無間斷乃北以二月六日載奉使柳岳洪雷震併輜  
重俱北稽家莊擊其前高郵擊其腰北大喪敗柳岳死焉  
雷震今在高郵見說北入江淮惟此戰我師大勝

一日經行白骨堆中流失枕爲心摧海陵棹子長狼顧水有  
來步馬來

是日經行戰場四顧惘然棹人心恙長恐灣頭有人出來又  
恐岸上有馬來趕正荒急間偶然柂折整柂良久危哉險哉

文信國公集

卷十三

指南錄

完

小泊稽莊月正弦莊官驚問是何船今朝哨馬灣頭出正在  
山天路邊

來自高郵至稽家莊方有一團人家以水爲寨統制官稽聳其  
子德潤請鄉舉其姪昌其館客莆田人林希驥字千里林孔  
時字願學皆銳意於事功者稽設醴甚至云今早報灣頭馬  
出到城子河邊不與之相遇公福人也爲之嗟歎不置願學

同德潤送予至泰州

稽莊卽事

乃心王室故日夜奔南征蹈險甯追悔懷忠莫見明雁聲連水

遠山色與天平枉作窮途哭男兒付死生

秦州

子至海陵問程趨通州凡三百里河道北與寇出沒其間真

畏途也

羈臣家萬里天日鑿孤忠心在坤維外身游坎窞中長淮行不

斷苦海望無窮晚鵲傳佳信通州路已通

卜神

通州三百里茅葦也還無胡騎虎出沒山巖鬼嘯呼王陽懷畏

道阮籍淚窮途人物中興骨神明爲國扶

文信國公集

卷十三

指南錄

五

旅懷

北去通州號畏途固應孝子爲回車海陵若也容羈客勝買菰

蒲且寄居

天地雖寬靡所容長淮誰是主人翁江南父老還相念只欠一

帆東海風

昨夜分明夢到家飄飄依舊客天涯故園門掩東風老無限杜

鵲啼落花

懷則堂實堂

二先生於予厚予之惓惓於二先生知二先生亦惓惓於予

也

白頭北使駕雙鸞沙關天長淚曉煙中夜想應發深省故人南  
北地行僞

貴卿

貴卿與予同患難自二月晦至今日無日不與死為鄰平生  
交游舉目何在貴卿真吾異姓兄弟也

天高併地迥與子獨牢愁初作燕齊客今為淮海游半生誰倚  
仰一死共沉浮我視君年長相看比惠州 惠州予弟璧也

憶太夫人

文信國公集

卷十三

指南錄

至

三生命孤苦萬里路酸辛屢險不一險無身復有身不忘聖天  
子幾負太夫人定省今何處新來夢寐頻

卽事

痛哭辭京闕微行訪海門久無雞可聽新有虱堪捫白髮應多  
長蒼頭少有存但令身未死隨力報乾坤

紀閑

九十春光好周流人鬼關人情輕似土世路險於山俯仰經行  
處死生談笑間近時最難得旬日海陵閑

聲苦

萬死奔波落一生飄零淮海命何輕近來學得趙清獻叫苦時  
時數十聲

卽事

船隻時開鎖城孤日閉關驚心常有馬極目奈無山出路相傳  
險行囊愈覺慳歸心風絮亂無奈一身閑

發海陵

自二月十一日海陵登舟連日候伴問占苦不如意會通州  
六交自維揚回有弓箭可仗遂以孤舟於二十一日早徑發  
十里驚傳馬在塘灣亟回晚乃解纜前途吉凶未可知也

文信國公集

卷十三

指南錄

五

自海陵來向海安分明如渡鬼門關若將九折回車看倦鳥何  
年可得還

聞馬

二十一夜宿白蒲下十里忽五更通州下文字馳舟而過報  
吾舟云馬來來於是速張帆去忙迫不可言二十三日幸達  
城西門鎖外越一日聞吾舟過海安未遠卽有馬至縣使吾  
舟遲發一時頃已爲囚虜矣危哉

過海安來奈若何舟人去後馬臨河若非神物扶忠直世上未  
應僥倖多

如皋

如皋縣隸有泰州朱省二者受北命爲宰率其民詰道路予

不知而過之既有聞爲之驚歎

雄狐假虎踞林皋河水腥風接海濤行客不知身世險一窗春

夢送輕舸

聞諜

予既不爲制鉞所容行至通州得諜者云鎮江府走了文相  
公許浦一路有馬來捉聞之悚然爲賦此

北來追騎滿江濱那更元戎按劍嗔不是神明扶正直淮頭何

文信國公集

卷十三

指南錄

五

處可安身

哭金路分應

金應以筆札往來吾門二十年性烈而知義不爲下流去年

從予勤王補兩武資今春特授承信郎東南第六正將贛州

駐劄及予使北轉三官授江南西路兵馬都監贛州駐劄予

之北行也人情莫不觀望僚從皆散雖親僕亦逃去惟應士

下相隨更歷險難奔波數千里以爲當然蓋委身以從死生

休戚俱爲一人者至通州在十餘日矣閏月五日忽伏枕命

醫三四熱病增劇至十一日午氣絕予哭之痛其斂也以隨

身衣服其棺如常翼日葬西門雪峯邊棺之上排七小釘又  
以一小板片覆於七釘之上以爲誌不敢求備者邊城無主  
恐貽身後之禍異時遇便取其骨歸葬廬陵而後死者之目  
可閉也傷哉傷哉爲賦二詩焚其墓前

我爲吾君役而從乃至行險夷甯異越休戚與同情遇賊能無  
死尋醫劇不生通州一邱土相望淚如漉

又

明朝吾渡海汝魄在它鄉六七年華短二千客路長招魂情黯  
黯歸骨事茫茫有子應年長平生不汝忘

文信國公集

卷十三

指南錄

書

卷之四

懷楊通州

江波無奈暮雲陰一片朝宗只此心今日海頭覓船去始知百  
煉是精金

喚渡江沙眼欲枯羈臣中道路崎嶇乘船不管千金購漁父真  
成大丈夫

范叔西來變姓名緜袍曾感故人情而今未識春風面傾蓋汀  
湖話一生

仲連義不帝西秦拔宅逃來住海濱我亦東尋煙霧去扶桑影

裏看金輪

海船

海船與江船不同自狄難以來從淮入浙者必由海而通爲孔道也由是海船發盡適三月間方有台州三薑船至已爲曹大監鎮所僱通州有下文字自定回張少保恰子之以一船亦是三月方到岸而子適來楊守遂以此舟送子與曹大監俱南向使有薑船而無張少保一舟子不能行有張少保而無薑船子又無伴不我先後適有邂逅殆神施鬼設而至也

文信國公集

卷十三

指南錄

十一

海上多時斷去舟公來容易渡南州子胥江上逢漁父莫是神明遣汝不

發通州

予萬死一生得至通州幸有海船以濟閏月十七日發城下十八日宿石港同行有曹大監鎮兩舟徐新班廣壽一舟舟中之人有識予者

孤舟漸漸脫長淮星斗當空月照懷今夜分明棲海角未應便道是天涯

白骨叢中過一春東將入海避風塵姓名變盡形容改陰有天



涯相識人

淮水淮山阻且長孤臣性命寄何鄉只從海上尋歸路便是當年不死方

石港

王陽真畏道季路漸知津山鳥喚醒客海風吹黑人乾坤萬里夢煙雨一年春起看扶桑曉紅黃六六鱗

賣魚灣

賣魚灣去石港十五里許是日曹大監膠舟候潮方能退

風起千灣浪潮生萬頃沙春紅堆蟹子晚白結鹽花故國何時

文信國公集

卷十三

指南錄

五

詆扁舟到處家狼山青兩點極目是天涯

卽事

宿賣魚灣海潮至漁人隨潮而上買魚者趨而仰之魚甚平飄蓬一葉落天涯潮濺青紗日未斜好事官人無勾當呼童上岸買青鰕

北海口

淮海本東海地於東中云南洋北洋北洋入山東南洋入江南人趨江南而經北洋者以楊子江中渚沙爲北所用故經道於此復轉而南蓋繚繞數千里云

滄海人間別一天只容漁父釣蒼煙而今蜃起樓臺處亦有北  
來蕃漢船

出海

二十一夜宿宋家林泰州界二十二日出海洋極目皆水水  
外惟天大哉觀乎

一團蕩漾水晶盤四畔青天作護闌著我扁舟了無礙分明便  
作混淪看

水天一色玉空明便似乘槎上大清我愛東坡南浦句茲游奇  
絕冠平生

文信國公集

卷十三

指南錄

三

漁舟

二十八日乘風行入通州海門界午拋泊颶潮忽有十八舟  
上風冉冉而來疑爲暴客四船戒嚴未幾交語而退是役也  
非應對足以禦侮卽爲魚矣危乎殆哉

一陣飛帆破碧煙見郎驚餌理弓弦舟中自信婁師德海上誰  
知魯仲連初謂悠揚真賊艦後聞欸乃是漁船人生漂泊多磨  
折何日山林清晝眠

楊子江

自通州至楊子江口兩潮可到爲避渚沙及浦顧諸從行

者故繞去出北海然後渡揚子江

幾日隨風北海游回從揚子大江頭臣心一片磁鍼石不指南  
方不肯休

使風

渺渺茫茫遠愈微乘風日夜趁東歸半醒  
困糲糊處一似醉

申騎馬飛

蘇州洋

一葉漂搖揚子江白雲盡處是蘇洋便如社  
苦只少行

頭寶劍裝

文信國公集卷十三

指南錄

過揚子江心

大海中一條自揚子江直上談者定此乃  
長江之極約百

二十里吾舟乘風過之一時即

渺渺乘風出海門一行淡水帶潮  
處還如此何日岷

山看發源

入浙東

金鼇山在台州界高宗皇帝曾艤舟於此  
寺藏御書四明既

幾陷不知天旨存正憂心如疇見於此  
長

厄運六百日危幾九十遭孤蹤落虎口  
長淮

路茫茫巨海濤驚魂猶未定消息問金鼇

夜潮

雨惡風猛夜色濃潮頭如屋打孤篷漂零行路丹心苦夢裏一聲何處鴻

亂礁洋

自北海渡楊子江至蘇州洋其間最難得山僅得蛇山洋山大小山數山而已自入澗東山漸多入亂礁洋青翠萬疊如畫圖中在洋中者或高或低或大或小水相擊觸奇怪不可名狀其在兩傍者如岸上山叢山實則皆在海中非有畔

文信國公集

卷十三

指南錄

五

際是日風小浪微舟行石間天巧捷出令人應接不暇殆神僊國也孤憤愁絕中爲之心廣目明是行爲不虛云

海山僊子國邂逅寄孤篷萬象畫圖裏千崖玉界中風搖春浪軟礁激暮潮雄雲氣東南密龍騰上碧空

夜走

舟入東海報者云前有賊船行十數里報鄉前望見十餘舟張帆隄口意甚惡梢人亟取靈山巖路遊之一夕搖船極其荒迫際曉幸得脫去

鯨波萬里送歸舟倏忽驚心欲白頭何處去衣操劍戟同時黃

帽理兜鍪人間風雨真成夢夜半江山總是  
隔明朝躡屩作清游

緣漪堂

予自海州登台岸至城門張氏家蓋國初  
人號哲齋闢堂教子扁緣漪爲賦八句

義方堂上看窗戶翠玲瓏硯裏雲壇月席間  
到直節與天通庭玉森如笋千霄雨露功

過黃巖

予至淮卽變姓名及天台境哲齋張爲予  
覓緣漪詩予旣賦

文信國公集卷十三

指南錄

李

題云清江劉洙書此過黃巖寄二十字

魏睢變張祿越蠡收陶朱誰料文山氏姓劉名是洙

至温州

萬里風霜鬢已絲飄零回首壯心悲羅浮山  
心月照誰祇謂虎頭非貴相不圖羝乳有歸  
坳乘潮一到中川

寺暗讀中興第二碑

長溪道中和張自山韻

二首

潮風連地吼江雨帶天流宮殿扁春仗衣冠  
府遺恨古東洲王氣如川至龍興海上州  
鎮月遊傷心今北  
東州常洲也

夜靜吳歌咽春深蜀血流向來蘇武節今日子長游海角雲爲  
岸江心石作洲丈夫竟何事底用泣神州

和自山

去年予陷北自山自京寄詩時予已南歸不及領今聞成誦  
追和作彼時語痛定思痛痛不可當

春晚傷爲客月明思見君我方慕蘇武誰復從田文龍背夾紅  
日雁聲連白雲琵琶漢宮曲馬上不堪聞

林附祖

林附祖福州秀才去年三月四日在無錫道中忽爲數酋擒

文信國公集

卷十三

指南錄

空

去指爲文相公云你們年四十頭戴笠身着袍脚穿黑靴文  
書上載了你們如何不是縛至京口辨驗然後得釋附祖名  
元龍至南劍爲予言

畫影圖形正掃風書生薄命入罝中胡兒一似冬烘眼錯認顏  
標作魯公

呈小村

予自劍進汀小村過清流來迎不圖此生復相見

萬里飄零命羽輕歸來喜有故人迎雷潛九地聲原在月暗千  
山魄再明疑是倉公回已死恍如羊祜說前生夜闌相對真成

夢清酒浩歌雙劍橫

二月晦

元年二月晦予從鎮江脫北難險阻艱難於今再見仲春下  
澣追感墮淚八句

塞上明妃馬江頭漁父船新讐誰共雪舊夢不堪圓遺恨常干  
古浮生又一年何時暮春者還我浴沂天

有感呈景山校書諸丈

北風吹春草陽烏日已至天時豈云爽人事胡乃異三月方皇  
皇衣冠道如墜棟撓椽桷折木顛植幹悴大者懷端憂焦頭求

文信國公集

卷十三

指南錄

全

室燬小者嗟行役泥塗跋其尾長平與新安露齒如櫛比賦分  
本爾殊適與天時值哲人處明夷致命以遂志但令守吾貞死  
生浩無愧

卽事

去年傷北使今日歎南馳雲溼山如動天低雨欲垂征夫行未  
已游子去何之正好王師出崆峒麥熟時

所懷

世途嗟孔棘行役苦期頻良馬比君子清風來故人相看千里  
月空負一年春便曾桃源路吾當少避秦

自歎

草宿披宵露松餐立晚風亂離嗟我在艱古有誰同祖述關河志程嬰社稷功身謀百年事宇宙浩無窮

補遺

題蘇武忠節圖

有序

余在京口城外日夜求脫不得者謝村幾去至平江欲逃又不果至鎮江事益急議趣真外余杜密謀杜云事濟萬幸不幸謀泄當死死有怨乎余指自自誓云死靡悔且辦七首事懼不濟挾以自殺杜亦請死死自效於是計遂定既至真

文信國公集

卷十三

補遺

三

州城下問者羣至告以余在

江江走脫城子諸校皆出既延

入城苗守遂見語國事移時感

慨慨流涕即往住清邊堂時從

亡者始至也引至直司搜身上所藏軍器既無他然後見信

防閑嚴密如此向使一疑字橫於胸中閉門不納天地茫茫

何所歸宿嘻其危哉苗守袖出李龍眠畫漢蘇武忠節圖求

余詠題撫卷淒涼浩氣憤發使人慷慨激烈有去國思君之

念矣遂賦三詩書於卷後時丙子三月二日也文天祥執筆

於清邊堂之寓舍

忽報忠圖紀歲華東風吹淚落天涯蘇卿更有歸時國老杜兼



無去後家烈士喪元心不易達人知命事何嗟生平愛覽忠臣傳不謂吾身亦陷車

獨伴羝羊海上遊相逢血淚向天流忠貞已向生前定老節須從死後休不死未論生可喜雖生何恨死堪憂甘心賣國人何處曾識蘇公義膽不

漠漠愁雲海戍迷十年何事望京師李陵罪在偷生日蘇武功成未死時鐵石心存無變君臣義重與天期縱饒夜久胡塵黑百煉丹心涅不縈

文信國公集 卷十三

補遺

卷

文信國公集卷十三終



